

22-818

Kassai királyi jogakadémia
Könyvtára

Szekrény szám II
Osztályzat e,

318

Augustine

III e

Dýa fute. d. Garry
čestnou cínu
až Libis byav

Univerzálna ľudová knižnica - Košice

Prí. č. 13125/964

Sign. R2 - 818

Kes 180 -

Odb. zn.

24

K

Rev. 11

DIVI AURELII
AUGUSTINI,
HIPPONENSIS EPISCOPI
SOLILOQUIA.

D U M

In Alma Episcopali Universitate
Coll. S. J. Cassoviensi *CaB.*
CONCLUSIONES
EX LIBRO I. II. & V. *50*

17 Publicè propugnaret
Rev. Excel. ac Doctis.

D. THOMAS CSÉCSEI, AA. LL.
& Philosophiæ Magister, SS. Theologiæ in
Annuin primum & SS. Canonum Auditor,
Seminarii Kisidiani S. Ladislai Regis Hungariæ
Alumnus Diæcesis Agriensis.

P R A E S I D E

R. P. LADISL. NEDECZKY
è Soc. JESU, AA. LL. & Philo-
phiæ Doctore, & SS. Canonum Pro-
fessore Ordinario.

AUDITORIBUS DISTRIBUTA
Anno M DCC XLIV. Mense
Augusto.

CASSOVIAE, Typis Academicis Soc. JESU.

**REVERENDISSIMO
DOMINO DOMINO
EMERICO
KELEMEN,**

**Præposito B. V. MA-
RIÆ de Schlangenmund, Ve-
nerabilis Capituli Cathedralis
Ecclesiæ Agriensis**

C A N O N I C O ,

***Incliti Comitatūs Ung-Vari-
nenſis***

ARCHI-DIACONO ,

***Nec non Liberæ, Regiaeque Civi-
tatis Cassoviensis***

PLEBANO ZELANTISSIMO.

DOMINO

E T


**PATRONO GRATIOSISSI-
MO COLENDISSIMO.**

REVERENDISSIME DOMINE!

Dum singularis in Te observantiae testimonium statuere meditor, subderebar initio, ne nihil minus existimber egisse, quam quod ardenter cupio. Ea enim a Clientibus offerri addecet, quae aut pretio, aut administris noritate affectum rapiant Patronorum. Nihil verò a me pretiosi, nihil nobis affertur; Libellus enim mole sua exilis est, Conclusiones è Jure sacro adeo Tibi non ignota, quam non sunt ea, quae quotidiano usu familiaria nobis reddimus. Eranuit nihilominus omnis solicitude, ne minus placeant, quae dedico, dum cogitatione complector sive praeclarissimos Tuos pro DEI Gloria labores, sive quotidiana eximiarum Virtutum exempla. Piæ enim de DEO, quas libellus continet, meditationes adeo Tibi cordi sunt, quam charæ sunt virtutes illæ singulares, quas feliciter cœlestium rerum contemplatione Tibi comparasti. Ex hoc enim fonte profuxerunt: ardens Tuum dignæ gloriae propaganda studium, animarum zelus, Cœleustum rerum estimatio, in egenos pietas, animi singularis demissio, aliisque Apostolicorum Virorum ornamenta. Jam verò quis satis dilaudare potest, quam magna sis in SS. Canones veneratione? dum sententia in sacro Tribunali est dicenda, dum errantes aut à per-

versis Hæreticorum erroribus, aut à vitiis ab-
ducendi, dum probi aut à tædio in divino obse-
guio deterrendi, aut ad altiorem virtutum gra-
dum impellendi sunt, eò curas convertis, ut
quid Ecclesiastica jubeant Constitutiones rite co-
gnoscas, gnariter exequaris. Quæ Tua pul-
cherrima sive private vita decora, sive exacta
Legum sacrarum in adimplendis Pastoralis offi-
cii paribus, observatio, quām insignem Tibi
apud omnes conciliaverit amorem juxta ac vene-
rationem, nemini ignotum esse potest. Gau-
dent probitatis amantes eum sibi animarum Pa-
storem obtigisse, cuius & verbis excitentur, &
exemplis optimis ad pietatem trabantur: De-
viantes verò à recto odisse non possunt, quod vi-
tia sua ita plecti metuant, ut si resipiscant Pa-
trem in Te amantissimum se reperturos dubita-
re nequeant. Hac me cogitantem inspem optimam
erexerunt, ut existimem placidō me acci-
piandum vultu, dum certamen meum, dum
Libellum Tuo inscribo honori, dum denique
me Tuis consecro obsequiis.

Reverendissimæ D. Vestræ



Clientūm infimus.
THOMAS GSÉGSEI.

CONCLUSIONES
EX
LIBRO PRIMO, SECUNDO,
ET QUINTO,
DECRETALIUM.

I.

R eligio vera facilè potest à falsis Se-
ctis discerni , hinc excusabiles
non sunt Sectarii , qui eam non
investigant.

II. Omnis Lex obligat in consci-
entia saltem ad aliquid.

III. Lex amortizationis in præju-
dicio Ecclesiarum non subsistit se-
clusò privilegiò Pontificis.

IV. Articulus 27. Anni 1715. be-
nigna interpretatione exceptionem
non patitur ob impossibilitatem ob-
servandi solennitates præscriptas.

V. Consuetudo potest induci eti-
am per unum vel duos actus.

VI. Tonsura prima est Ordo pro-
babiliùs, & Sacramentum.

VII. Vicarius Generalis vi mandati generalis potest cognoscere causas Matrimoniales.

VIII. Valent acta coram Judice putativo interveniente comuni errore.

IX. Status Prælatorum est primus & ejus consensus requiritur, ad valorem Legum.

X. Secundum tit. 15. Prol. in questionibus Juris non potest Judex ferre sententiam secundum allegata tantum, & probata.

XI. Peccat Advocatus, & teneatur parti læsæ ad reparationem Damni, si sciens causam injustam sui Clientis, inducat adversam partem ad transactionem.

XII. Uti etiam si negligentia, vel ignorantia perdat litem, vel lucri causâ protrahat ad longu tempus litē.

XIII. Judex, dum par videtur, probabilitas non potest cæteris paribus favere uni parti.

XIV. Possunt debita extingui præscriptione 32. annorum interveniente bona fide.

XV. Cætus opificum non possunt condere in Hungaria statuta in præjudicium Catholicæ Religionis.

XVI. Contra hæredes furis suppliciō affecti datur conditio furtiva ad vires hæreditatis.

XVII. Socius criminis regulariter non non est testis idoneus.

XVIII. Novitus potest 2. mensibus ante Religiosa vota de rebus suis disponere, nec tenetur Religio res sibi transcriptas restituere, si moriantur ante edita re ipsa vota.

XIX. Accipiens ultra 6. pro 100. tenetur restituere ante sententiam Judicis.

XX. Contractus quoad excessivum Interesse est invalidus.

XXI. Maritus nullo jure potest licet occidere uxorem in adulterio deprehensam, vel adulterum.

XXII. Hæredes tenentur ad restituendas usuras illegales.

XXIII. Tenetur emptor pretii tempore præfixo non depositi solvere legales

gales usuras in contractu non conventas.

XXIV. Accipiens in extrema necessitate tenetur ad restitutionem , si ad meliorem fortunam pervenerit.

XXV. Non licet in defectu aliorum pro remedio superstitione ad sagas, & Magos confugere, licet tamen maleficia tollere removendo signa.

XXVI. Sanguinis stillatio ex cadavere non est certum indicium praesentis homicidæ.

XXVII. Potest ope Dæmonis representari innocens in conventiculis sagarum.

XXVIII. Convictū vel maledictū contra B. V. est vera blasphemia.

XXIX. Non licet dare testi aliquid vel promittere , etiam ut veritatem dicat.

XXX. Pro fama conservanda illicitè exponit fœmina prolem spuriām , nec confessio , promissa à Jūdice impunitate sufficit ad condemnationem.

O. A. M. D. G. B. V. & S. I. H.



D I V I
 A U G U S T I N I ,
 H I P P O N E N S I S
 E P I S C O P I ,
 Liber Soliloquiorum animæ ad DEUM.

C A P U T I .

De ineffabili dulcedine DEI.

I.

COgnoscam te Domine co-
 gnitor meus : cognoscam te
 virtus animæ meæ. Ostend-
 de te mihi , consolator meus : vi-
 deam te , lumen oculorum meorum.
 Veni gaudium spiritus mei : videam
 te , lætitia cordis mei. Diligam te,

A

vita

2 SOLILOQUIA

vita animæ meæ. Appare mihi delectatio mea magna , solatium meum dulce : Domine DEUS meus , vita mea , & gloria tota animæ meæ.

2. Inveniam te , desiderium cordis mei : teneam te , amor animæ meæ. Amplectar te , sponsæ cœlestis , exultatio mea summa intus , & extra . Possideam te beatitudo sempiterna : possideam te in medio cordis mei , vita beata , dulcedo summa animæ meæ.

3. Diligam te Domine , fortitudo mea Domine , firmamentum meum , & refugium meum , & liberator meus. Amem te , DEUS meus , adjutor meus , turris fortitudinis mihi , & spes mea dulcis in omni tribulatione mea. Amplectar te bonum , sine quo nihil bonum : fruar te optimo , sine quo nihil est optimum.

4. Aperi penetralia aurium meorum , verbo penetrabiliori omni gladio ancipiti , ut audiam vocem tuam.

In-

Intona Domine desuper voce grandi, & forti. Tonet mare, & plenitudo ejus, commoveatur terra, & omnia, quæ in eis sunt.

5. Illustra oculos meos lux incomprehensibilis, fulgura coruscationem, & dissipa eos, ut non videant vanitatem. Fulgura multiplica, & conturba eos: appareant fontes aquarum, & revelentur fundamenta orbis terrarum.

6. Tribue visum, lux invisibilis, qui te videat. Crea novum olfactum: odor vitæ, qui post te currat in odorem unguentorum tuorum. Gustum sana, qui sapiat, & cognoscat, & discernat, quam magna multitudo dulcedinis tuæ Domine, quam abscondisti his, qui pleni sunt charitatis tuæ.

7. Da cor, quod te cogitet: animum, qui te diligat: mentem, quæ te recolat: intellectum, qui te intelligat: rationem, quæ tibi semper sum-

4 SOLILOQUIA

mè delectabili fortiter adhæreat. Te semper amor sapiens diligat.

8. O vita! cui omnia vivunt: vita, quæ dat mihi vitam: vita, quæ est mea vita, per quam vivo, sinè qua morior: vita, per quam resuscitor, sinè qua pereo: vita, per quam gaudeo, sinè qua tribulor: Vita vitalis, dulcis, & amabilis, semper memorabilis, ubi quæso es? Ubi te inveniam, ut in me deficiam, & in te subsistam?

9. Propè esto in animo, propè in corde, propè in ore, propè in auribus, propè in auxilio; quia amore langueo: quia sinè te morior: quia te recolens fuscitor. Odor tuus me recreat: memoria tui me sanat: sed satiabor, cùm apparuerit gloria tua, vita animæ meæ. Concupiscit, & deficit anima mea de memoria tua, quando veniam, & apparebo tibi, lætitia mea?

10. Quare faciem tuam avertis, gaudium meum, per quod gaudeo?

Ubi

Ubi es , absconditus pulcher , quem
desidero ? Odorem tuum haurio , vi-
vo , & gaudeo : te autem non vi-
deo . Vocem tuam audio , & revi-
visco . Sed cur faciem tuam ab-
scondis ?

11. Fortè dicas : Non videbit me
homo , & vivet . Eja , Domine ,
moriar , ut te videam : videam , ut
hic moriar . Nolo vivere , volo mori :
dissolvi cupio , & esse cum Christo .
Mori desidero , ut videam Christum : vivere renuo , ut vivam
cum Christo .

12. O Domine JESU , accipe spi-
ritum meum : vita mea , suscipe
animam meam : Gaudium meum ,
attrahe cor meum , dulcis cibus meus ,
comedam te . Caput meum , dirige
me : lumen oculorum meorum , illu-
mina me : melos meum , tempera me .
Odor meus , vivifica me . Verbum
DEI , recrea me . Laus mea , lætifi-
ca animam servi tui .

13. Intra in eam, gaudium meum,
ut in te gaudeat. Intra in eam,
dulcedo summa , ut dulcia sapiat.
Lumen æternum, illustra super eam,
ut te intelligat, cognoscat, & dili-
gat. Ob hoc enim non te diligit
Domine , si te non diligit , quia
non te cognoscit : & te ideo
non cognoscit , quia non intelligit.
Et idcirco non intelligit ; quia lumen
tuum non comprehendit: & lux in
tenebris lucet , & tenebræ eam non
comprehenderunt.

14. O lux mentis , o lucens ve-
ritas , o vera claritas , quæ illuminat
omnem hominem venientem in hunc
mundum ! Venientem quidem , sed
non diligentem : quia qui diligit
mundum , inimicus DEI constitui-
tur. Expelle tenebras desuper fa-
ciem abyssi mentis meæ , ut videat
te in intelligendo , ut cognoscat te
comprehendendo , ut diligit te co-
gnoscendo.

15. Quisquis enim cognoscit te,
diligit te, se obliviscitur: amat te
plusquam se: relinquit se, & venit
ad te, ut gaudeat de te. Hinc est
ergo, Domine, quod non tantum
diligo, quantum debo, quia non
planè cognosco te: sed quia parùm co-
gnosco, parùm diligo, & quia pa-
rùm diligo, parùm in te gaudeo.

16. Sed à te vero gaudio inte-
riori per exteriora recedens, dum
te solo careo, adulterinas amicitias
in his exterioribus quæro. Et sic
miser ego cor meum, quod tibi so-
li debui toto amore, totóque affe-
ctu impendere, vanis dedi: & ideo
vanus effectus sum, dum vanita-
tem dilexi.

17. Hinc etiam est, Domine,
quod in te non gaudeo, & tibi non ad-
hæreo. Quia ego in exterioribus, tu
in interioribus: ego in temporali-
bus, tu in spiritualibus: ego in tran-
sitoriis animo diffundor, cogitatione

8 SOLILOQUIA

versor, loquutione implicor: & tu,
Domine, in æternis habitas, &
æternitas es. Tu in cœlo, ego in
terra: Tu diligis alta, ego infima:
Tu cœlestia, ego terrestria. Et
quando poterunt hæc contraria con-
venire?

CAPUT II.

De miseria, & fragilitate hominis.

1. **M**iser ego, quando poterit
obliquitas mea tuæ recti-
tudini adæquari? Tu Domine dili-
gis solitudinem, ego multitudinem:
tu silentium, ego clamorem: tu ve-
ritatem, ego vanitatem: tu mundi-
tiam, ego immunditiam sequor.

2. Quid plura Domine? Tu ve-
re bonus, ego malus: tu pius, ego
impius: tu sanctus, ego miser: tu
justus, ego injustus: tu lux, ego
cæcus: tu vita, ego mortuus: tu
medicina, ego æger: tu gaudium,
ego

ego tristitia: tu summa veritas, ego universa vanitas : ut omnis homo vivens.

3. Heu quid igitur, ô Creator! dicam? audi, ô Creator! Creatura tua sum, jam perii: creatura tua sum, jam morior. Factura tua sum, jam ad nihilum redigor. Plasma tuum sum: Manus tuæ Domine fecerunt me, & plasmaverunt me; manus inquam illæ, quæ affixæ clavis sunt pro me. Opus manuum tuarum, Domine, ne despicias; vulnera manuum tuarum precor, ut aspicias.

4. Ecce in manibus tuis, Domine DEUS, descripsisti me: Lege ipsam scripturam, & salva me. En ad te suspiro creatura tua: Creator es, recrea me. En ad te clamo factura tua: vita es, vivifica me. En ad te respicio, tuum plasma: Plasmator es, restaura me. Parce mihi Domine, nihil enim sunt dies mei.

10 SOLILOQUIA

5. Quid est homo, ut possit alloqui DEUM factorem suum? Parce mihi colloquenti tibi. Ignosce servo tuo, qui præsumit loqui tanto Domino: Legem non habet necessitas. Dolor me compellit dicere: calamitas, quam patior, cogit me exclamare: Ægrotus sum, ad medicum clamo: cæcus sum, ad lucem prospero: mortuus sum, ad vitam suspiro.

6. Tu es medicus, tu lux, tu vita: JESU Nazarene, miserere mei, Fili David miserere mei. Fons misericordiæ, audi, quid ad te clamat infirmus. Lux, quæ transis, expecta cæcum, præbe ei manum, ut ad te veniat: & in lumine tuo videat lumen. Vita vivens, revoca mortuum. Quid sum ego, qui loquor tecum? Væ mihi Domine, parce mihi Domine.

7. Ego cadaver putridum, esca vermium, vas fœtidum, cibus ignium.

Quid

Quid sum ego, qui loquor tecum?
 Væ mihi Domine, parce mihi Domine. Infelix ego homo. Homo, inquam natus de muliere, brevi vivens tempore, repletus multis miseriis: homo (inquam) vanitati similis factus, comparatus jumentis insipientibus, & jam similis factus illis.

8. Quid iterum ego? Abyssus tenebrosa, terra misera, filius iræ, vas aptum in contumeliam, genitus per immunditiam, vivens in miseria, moriturus in angustia.

9. Heu miser! quid sum? quid futurus sum? Vas sterquilinii, concha putredinis, plenus fœtore, & horrore: cœcus, pauper, nudus, plurimis necessitatibus subditus, & ignorans introitum, & exitum meum, miser, & mortalis.

10. Cujus dies sicut umbra prætereunt: cujus vita, sicut umbra lunatica evanescit: sicut flos in arbo-re crescit, & statim marcescit: nunc

floret, & statim aret. Vita (inquam) mea, vita fragilis , vita caduca , vita , quæ quanto magis crescit, tanto magis decrescit: quanto magis procedit, tanto magis ad mortem accedit.

I I. Vita fallax , & umbratica , plena laqueis mortis. Nunc gaudeo , statim tristor: nunc vigeo , jam infirmor: nunc vivo , statim morior: nunc felix appareo , jam miser: nunc rideo , jam fleo. Sicque omnia mutabilitati subjacent, ut nihil una hora in uno statu permaneat.

I 2. Hinc timor , hinc tremor , hinc fames , hinc sitis , hinc calor , hinc frigus , hinc languor , inde dolor exuberat : subsequitur his importuna mors , quæ mille modis quotidie miseros homines inopinatè rapit. Hunc necat febribus , illum opprimit doloribus : hunc consumit fames , illum sitis extinguit ; hunc suffocat aquis , illum interimit laqueo. Il-

lum

sum perimit flammis , alium dentibus
bestiarum ferocium vorat . Hunc
trucidat ferrō , illum venenō corrumpit : alterum tantūm repente no ter-
tore miseram vitam finire compellit.

I 3. Et nunc super hæc omnia ma-
gna miseria ; quia cùm nihil sit cer-
tius morte , ignorat tamen homo fi-
nem suum . Et cùm stare putat ,
colliditur , & perit spes ejus . Ne-
scit enim homo , quando , vel ubi ,
vel quomodo morietur , & tamen
certum est , quod cum mori oporteat .

I 4. Ecce Domine , quām magna
miseria hominis , in qua sum , nec
timeo ! Quām grandis calamitas ,
quam patior , nec doleo , & ad te non
clamo ! Clamabo Domine , antequam
transeam , si fortè non transeam , sed
in te maneam .

I 5. Dicam ergo , dicam miseriā
meā : confitear , nec erubescam an-
te te vilitatem meā . Adjuva me
fortitudo mea , per quam sublevor :

succurre virtus, per quam sustentor:
veni lux, per quam video: appare glo-
ria, per quam gaudeo: appare vita, in
qua vivam, ô Domine DEUS meus!

C A P U T III.

De admirabili lumine DEI.

1. **O** Lux! quam videbat Tobias,
quando oculis clausis doce-
bat filium suum viam vitæ. Lux,
quam videbat Isaac interius, quando
caligantibus oculis exterius filio fu-
tura narrabat. Lux (inquam) in-
visibilis; cui omnis abyssus humani
cordis est visibilis.

2. Lux, quam Jacob videbat, quan-
do sicut tu intus docebas, filiis exte-
rius ventura prædicebat. Ecce tenebræ
sunt super faciem abyssi mentis meæ,
tu es lumen. Ecce caligo tenebrosa su-
per aquas cordis mei, tu es veritas.

3. O Verbum, per quod facta
sunt omnia, & sine quo factum est
nihil! Verbum, quod est ante omnia,

&

& ante quod nihil. Verbum regens omnia, sine quo nihil sunt omnia. Verbum, quod dixisti in principio, fiat lux, & facta est lux.

4. Dic etiam mihi, fiat lux, & facta sit lux: & videam lumen, & cognoscam, quidquid non est lumen: quia sine te, mihi tenebræ lumen, & lumen tenebræ ponuntur. Et sic sine tua luce non est veritas. Adeſt error, adeſt vanitas: non est discre-
tio, adeſt confusio: adeſt ignorantia, non est scientia: adeſt cæcitas, non est visio: adeſt invium, non est via: adeſt mors, non est vita.

C A P U T I V.

De mortalitate humanæ naturæ.

I. **E**cce Domine, quia lux non est, mors est. Immò non est mors, quia nihil est mors. Nam per ipsam ad nihilum tendimus, dum nos nihil facere per peccatum non formidamus. Et justè quidem hoc

Do-

Domine : Nam digna factis recipimus , dum ad nihilum devenimus , tanquam aqua decurrentis : quia sine te factum est nihil , & nos faciendo nihil , facti sumus nihil : quia sine te sumus nihil , per quem facta sunt omnia , sine quo factum est nihil.

2. O Domine Verbum ! O DEUS Verbum , per quod facta sunt omnia , sine quo factum est nihil ! Væ mihi misero toties obcæcato : quia tu lux , & ego sine te ! Væ mihi misero toties vulnerato : quia tu salus , & ego sine te ! Væ mihi misero toties infatuato : quia tu es veritas , & ego sine te ! Væ mihi misero toties aberrato : quia tu via , & ego sine te ! Væ mihi misero toties mortuo : quia tu vita , & ego sine te ! Væ mihi misero toties annihilato : quia tu es Verbum , per quod facta sunt omnia , & ego sine te , sine quo factum est nihil.

3. O Domine verbum! o DEUS Verbum! qui es lux, per quem facta est lux, qui es via, veritas, & vita. in quo non sunt tenebrae, error, vanitas, neque mors. Lux, sine qua tenebrae: via, sine qua error: veritas, sine qua vanitas: vita, sine qua mors. Dic verbum Domine, fiat lux, ut videam lucem: & vitem tenebras: videam viam, & vicem invium: videam veritatem, & vitem vanitatem: videam vitam, & vitem mortem.

4. Illuminare Domine, lux mea, illuminatio mea, & salus mea, quem timebo? Dominus meus, quem laudabo: DEUS meus, quem honoro, Pater meus, quem amabo: sponsus meus, cui me servabo. Illuminare (inquam) illuminare lux huic cæco tuo, qui in tenebris, & in umbra mortis sedet, & dirige pedes ejus in viam pacis, per quam ingrediar in locum tabernaculi admissibili-

rabilis usque ad domum DEI, in voce exultationis, & confessionis. Vera enim confessio est via, per quam egrediar ad te viam, per quam egrediar ab invio, & revertar ad te vitam, quia tu es vera via vita.

C A P U T . V.

Quid sit nihil fieri?

I. **C**Onfitear ergo, confitear tibi, Pater Domine cœli, & terræ, miseriam meam: ut me venire liceat ad misericordiam tuam. Miser quippe factus sum, ad nihilum redactus sum, & nescivi. Quia tu es veritas, & ego non eram tecum: vulneraverunt me iniquitates meæ, & non dolui, quia tu es vita, & ego non eram tecum. Ad nihilum duxerunt me, quia tu es Verbum, & ego non eram tecum: per quem facta sunt omnia, sine quo factum est nihil: & ideo sine te factus sum nihil, quia nihil est, quod ad nihilum ducit.

2. Omnia

2. Omnia per Verbum facta sunt, quæcunque facta sunt, & qualia facta sunt. Vedit Deus cuncta, quæ fecerat, & erant valdè bona. Omnia quæcumque facta sunt, per Verbum facta sunt, & quæcumque per Verbum facta sunt, valdè bona sunt: Quare bona sunt? quia omnia per Verbum facta sunt, & sine ipso factum est nihil; quia nihil bonum sine summo bono est. Sed malum est, ubi non est ullum bonum, quod utique nihil est: quia nihil aliud est malum, quam privatio boni: sicut nihil aliud est cæcitas, quam privatio luminis.

3. Malum itaque nihil est, quia sine Verbo factum est, sine quo factum est nihil. Illud autem malum est, quod privatur illo bono, per quod omnia facta sunt, quæcunque sunt. At quæ non sunt, per ipsum facta non sunt, & ideo nihil sunt. Et ideo mala sunt, quæ

quæ facta non sunt: quia omnia, quæcunque facta sunt, per Verbum facta sunt; omnia per Verbum bona facta sunt. Cùm igitur omnia per Verbum facta sint, mala per ipsum non sunt.

4. Restat igitur, quod omnia, quæ facta non sunt, bona non sunt; quia omnia, quæcumque facta sunt, bona sunt; & ideo mala sunt, quia facta non sunt: & ideo nihil sunt, quia sine Verbo factum est nihil. Malum igitur nihil est; quia factum non est. Sed qualiter malum est, si factum non est? Quia malum privatio boni est, per quod factum bonum est. Esse ergo sine Verbo malum est, quod esse non est, quia sine ipso nihil est. Sed quid est separari à Verbo?

5. Si hoc quæris scire, audi, quid est Verbum. Verbum DEI dicit: Ego sum via, veritas, & vita. Separari ergo à Verbo, est esse sine via, sine

sinè veritate, sinè vita; & ideo malum, quia separatur à Verbo, per quod omnia facta sunt valde bona. Separari autem à Verbo, per quod omnia facta sunt, nihil aliud est, quam deficere: & à facto transire in defectum; quia sinè ipso est nihil. Quoties ergo à bono devias, à Verbo te separas, quia ipsum est bonum: & ideo nihil efficeris, quia sinè Verbo es, sinè quo factum est nihil.

6. Nunc igitur Domine, illuminasti me, ut viderem te, vidi, & cognovi me. Quia toties nihil factus sum, quoties a te separatus sum; quia bonum, quod tu es, oblitus sum, & ideo malus effectus sum. Væ mihi misero, ut qui hoc non cognoscebam, quia te deserens nihil fierbam! Sed quid hoc quærer? Si nihil eram, quomodo cognoscere nollebam? Scimus, quia malum nihil est: & quod nihil est, non est, & quod non est bonum, non est, quia nihil est.

est. Si ergo nihil fui ; cùm sinè te fui , quasi nihil fui , & velut idolum , quod nihil est . Quod quidem aures habet , & non audit : nares habet , & non odorat : oculos habet , & non videt : os habet , & non loquitur : manus habet , & non palpat : pedes habet , & non ambulat : & omnia lineamenta habet membrorum sinè sensu eorum.

C A P U T VI.

De casu animæ in peccatis.

1. **C**Um igitur fui sinè te , non fui , sed nihil fui ; & ideo cæcus eram , surdus , & insensibilis : qui nec bonum discernebam , nec malum fugiebam , nec dolorem vulnerum sentiebam , nec tenebras meas videbam , quia eram sinè te vera luce , quæ illuminas omnem hominem venientem in hunc mundum .

2. Væ mihi ! vulneraverunt me , & non dolui : traxerunt me , & non sen-

sensi: quia nihil eram, quia sine vita eram, quæ est Verbum, per quod facta sunt omnia. Ideo Domine, lux mea, inimici mei de me fecerunt, quæcumque voluerunt, percusserunt, nudaverunt, polluerunt, corruerunt, vulnerarunt, & occiderunt me, quia recessi à te, & factus sum nihil sine te.

3. Heu Domine, vita mea, qui fecisti me; lux mea, qui direxisti me! Defensor vitæ meæ miserere mei, & resuscitame, Domine DEUS meus, spes mea, virtus mea, fortitudo mea, consolatio mea. In die tribulationis meæ, respice inimicos meos, & eripe me; fugiant à facie mea, qui oderunt me, & ego vivam in te, per te.

4. Ipsi enim Domine, consideraverunt me: & videntes me sine te, despexerunt me, Diviserunt sibi vestimenta virtutum, quibus ornaveras me: fecerunt sibi viam per me:

sub pedibus suis conculcaverunt me;
fæcibus peccatorum polluerunt tem-
plum sanctum tuum: posuerunt me
desolatum, & mærore confectum.

5. Ibam post eos cæcus, & nu-
dus, illaqueatus funibus peccatorum.
Trahebant me post se in circuitu de-
vitio in vitium, & de luto in lutum,
& ibam absque fortitudine ante fa-
ciem subsequentis. Servus eram,
& servitutem amabam: cæcus eram,
& cæcitatem desiderabam: vincitus
eram, & vincula non horrebam: ami-
rum dulce, & dulce amarum cre-
debam.

6. Miser eram, nec cognoscebam:
& hoc quia sine Verbo eram, sine
quo factum est nihil, per quod omnia
conservantur, sine quo omnia anni-
hilantur. Sicut enim omnia per
ipsum facta sunt, & sine ipso factum
est nihil; sic per ipsum omnia con-
servantur, quæcunque sunt sive in

cœlo , sive in terra , sive in mari ,
& in omnibus abyssis.

7. Nec pars parti in lapide adhæret , nec in aliquo creatorum : nisi quia Verbo conservantur , per quod omnia facta sunt. Adhæream ergo tibi Verbo , ut conserves me , quia ubi à te recessi , perii in me , nisi quia tu , qui me feceras , refecisti me. Ego peccavi , tu me visitâsti : ego cecidi , tu me erexisti : ego ignoravi , tu me docuisti : ego non vidi , tu me illuminâsti .

C A P U T VII.

De multiplicibus beneficiis DEI.

I. **M**iser ego DEUS meus , quantum teneor diligere te , ostende mihi , quantum debeo laudare te , demonstra mihi , quantum debeo placere tibi , innotesc mihi. Intona , Domine , desuper voce grandi , & forti , in interiorein aurem cordis mei doce me , & salva me :

& collaudabo te, qui creasti me,
cum nihil essem: qui illuminasti me,
cum in tenebris essem: qui resusci-
tasti me, cum mortuus essem: qui
pavisti me à juventute mea omnibus
bonis tuis. Hunc inutilem vermem,
fætentem peccatis, nutris omnibus
optimis donis tuis.

2. Aperi mihi, ô clavis David,
qui aperis, & nemo claudit illi, cui
tu aperis: & nemo aperit illi, cui
tu claudis. Aperi mihi ostium lu-
minis tui, ut ingrediar, & videam,
& cognoscam: & confitear tibi in
toto corde meo, quia misericordia
tua magna est super me, & eruisti
animam meam ex inferno inferiori.

3. Domine Deus noster, quam
admirabile, & laudabile est nomen
tuum in universa terra! Ecquid est
homo, quod memor es ejus: aut
filius hominis, quoniam visitas eum?
Domine, spes Sanctorum, & turris
fortitudinis eorum. DEUS vita ani-

mæ meæ , per quam vivo , sinè qua morior . Lumen oculorum meorum , per quod video , sinè quo orbis . Gaudium cordis mei , & lætitia spiritus mei , diligam te toto corde meo , & toto animo meo , & totis medullis , & visceribus meis : quia tu prior dilexisti me .

4. Et unde hoc mihi , ô Creator cœli , & terræ , & abyssi , qui bonorum meorum non indiges , unde hoc mihi , quod dilexisti me ? O sapientia , quæ aperis os mutorum ! ô Verbum , per quod facta sunt omnia ! aperi os meum , da mihi vocem laudis , ut enarrem omnia beneficia tua , quæ mihi Domine , à principio contulisti .

5. Ecce enim sum , quia tu creasti me : & quod me creares , & in numero creaturarum tuarum numerares , ab æterno tu præordinasti , antequam quicquam faceres , à principio , antequam extenderes cœlos :

necdum erant abyssi, adhuc terram non feceras, nec montes fundaveras, necdum fontes eruperant: Antequam hæc omnia, quæ fecisti per Verbum, faceres, me creaturam tuam fore, certissima veritatis tuæ providentia prævidisti, & esse me creaturam tuam voluisti.

6. Et hoc unde mihi, Domine benignissime, DEUS altissime, Pater misericordissime, Creator potentissime, & semper mitissime, quæ mea merita, quæ mea gratia? ut complaceret ante conspectum tuæ magnificæ maiestatis, creare me? Non eram, & creâsti me: nihil fueram, & de nihilo me aliquid fecisti.

7. Quale autem aliquid? Non stillam aquæ, non ignem, non avem, vel pisces, non serpentem, vel aliquid ex brutis animalibus, non lapidem, vellignum. Non ex eorum genere, quæ tantum habent esse. Vel ex eorum, quæ tantum esse possunt,

&

& crescere. Non ex eorum genere, quæ tantum esse, & crescere, & sentire possunt. Sed super omnia hæc, voluisti me esse ex his, quæ habent esse, quia sum: & ex his, quæ habent esse, & crescere, quia sum, & cresco: & ex his, quæ sunt, crescunt, & sentiunt: quia sum, cresco, & sentio.

8. Et paulò minus parem me creasti Angelis: quia rationem te cognoscendi cum ipsis à te communem accepi. Sed paulò minus utique dixi: Nam illi tam felicem notitiam jam habent per speciem, ego autem per spem: illi facie ad faciem, ego per speculum in ænigmate: illi plenè, ego autem ex parte.

C A P U T VIII.

De dignitate hominis futura.

1. **S**ed cùm venerit, quod perfectum est, evacuabitur, quod ex parte est, quando jam revelata

facie tuam faciem videbimus. Quid jam prohibebit nos non esse minores paulò minus ab Angelis , quos tu Domine, corona spei, quæ ornata est gloria, & honore coronaveris : quos tu nimis , quasi amicos tuos honorificaveris : immò per omnia pares , & æquales Angelis ? Nempe & hoc veritas tua dicit : Æquales sunt Angelis , & filii DEI sunt. Quidni filii DEI sunt , si pares fiunt Angelis ? Vere quidem erunt filii DEI , quia Filius hominis factus est Filius DEI . Hoc utique consideranti mihi fiducia est dicere : Non homo minor paulò minus est ab Angelis , non utique tantum æqualis Angelis , sed superior Angelis , quia homo DEUS , & Deus homo , non Angelus.

2. Et dicam propter hoc , hominem esse creaturam dignissimam , quia Verbum , quod erat in principio DEUS apud DEUM , Verbum , per quod DEUS dixit : Fiat lux , & facta est

est lux , Angelica scilicet natura : Verbum , per quod DEUS creavit omnia in principio ; idem Verbum caro factum est , & habitavit in nobis , & vidimus gloriam ejus. Ecce gloria , per quam glorior , quando sanè glorior. Ecce gaudium , per quod gaudeo , quando sanè gaudeo , Domine DEUS meus , vita , & tota gloria animæ meæ.

3. Confiteor ergo tibi Domine DEUS meus : cùm me creâsti rationis capacem , Angelis quodammodo parrem creâsti : quia perfici possum per Verbum tuum , ut veniam ad æqualitatem Angelorum , ut habeam adoptionem filiorum , per unigenitum Verbum tuum Domine , per filium tuum dilectum , in quo tibi bene complacui ; per unicum cohæredem , & consubstantialem tibi , & coæternum , JESUM Christum unicum Dominum Redemptorem nostrum , illuminatorem , & consolatorem no-

strum, advocatum nostrum apud te ,
& lumen oculorum nostrorum, qui
es vita nostra, & Salvator noster,
& spes unica nostra, qui nos dile-
xit magis, quam se, per quem ha-
bemus fiduciam repositam, & fir-
mam apud te spem, & accessum ve-
niendi ad te: Quoniam dedit pote-
statem filios DEI fieri his, qui cre-
dunt in nomine ejus.

4. Laudem tribuam nomini tuo ,
Domine , qui me ad imaginem , &
similitudinem tuam creando , tantæ
gloriæ fecisti me fore susceptibilem ,
ut possim filius DEI fieri. Hoc uti-
que non possunt arbores , non pos-
sunt lapides , non generaliter omnia ,
quæ moventur , vel crescunt in aëre ,
vel in mari , vel in terra , quia non
dedit eis potestatem per Verbum
tuum filios DEI fieri , quia rationem
non habent.

5. Nam & hæc potestas in ratio-
ne consistit , per quam cognoscimus

DE-

DEUM. Dedit autem hanc potestatem hominibus, quos creavit rationabiles ad imaginem, & similitudinem suam. Et ego utique Domine, per tuam gratiam homo sum: & filius tuus esse possum per gratiam, quod illa non possunt.

6. Unde hoc mihi Domine, veritas summa, veraque summitas, principium omnium creaturarum? Unde hoc mihi Domine, ut possim fieri filius DEI, quod illa non possunt? Tu es, qui manes in æternum, qui omnia creâsti simul. Simul creâsti homines, & jumenta, lapides, & videntia terræ. Non enim præcesserunt merita, nulla eorum antecessit gratia: quia omnia tua tantum bonitate creâsti, pares omnes creature fuere in meritis, quia omnium nulla fuere merita.

7. Et unde ergo magis tua bonditas in hac creatura tua, quam fecisti rationalem, quam in omnibus aliis,

quæ sunt sine ratione , apparuit ?
 Quare non ego sicut omnes illæ ,
 aut cur non omnes illæ sicut ego ?
 aut ego solus sicut illæ ? Quæ mea
 merita ? quæ mea gratia ? ut me fi-
 lium DEI posse fieri susceptibilem
 creares , quod illis omnibus denega-
 res ? Absit Domine , ut hoc sentiam.
 Tua tantum gratia , tua tantum bo-
 nitas hoc fecit , ut essem particeps
 dulcedinis ejus. Illa igitur gratia ;
 qua me de nihilo creasti ; illam , quæ-
 so Domine , da mihi gratiam , ut ti-
 bi de hoc referam gratiam.

C A P U T I X.

De omnipotentia DEI.

1. **O**Mnipotens manus tua semper
 una , & eadem , creavit in
 cœlo Angelos , & in terra vermicu-
 los : non superior in illis , non infe-
 rior in istis. Sicut enim nulla alia
 manus Angelum ; ita nulla posset crea-
 re vermiculum. Sicut nulla cœlum ;
 ita

itā nulla posset creare minimum arboris folium: sicut nulla corpus; itā nulla ullum capillum album posset facere, aut nigrum: sed omnipotens manus tua, cui omnia pari modo sunt possibilia.

2. Nec enim possibilius est ei creare vermiculum, quam Angelum: nec impossibilius extendere cœlum, quam folium: nec levius formare capillum, quam corpus: nec difficilius fundare terram super aquam, quam aquas super terram.

3. Sed omnia, quæcunque voluit, fecit, sicut voluit in cœlo, & in terra, in mari, & in omnibus abyssis, & me inter omnia, sicut voluit, potuit, & scivit. Potuit quidem manus tua Domine, me lapidem, vel avem, vel serpentem, vel belluam aliquam creare, & scivit; sed noluit propter suam bonitatem. Quare ergo ego non sum lapis, vel arbor, vel aliqua bellua? Quia sic ordinavit bo-

nitas tua: & ut hoc ordinaret, non
præcesserunt merita mea.

C A P U T X.

De incomprehensibili laude DEI.

1. **U**Nde hoc mihi Domine, unde mihi laudes ad laudandum te? Sicut enim fecisti me sínè me, sicut complacuit ante te; ità laus tibi est sínè me, sicut complacet ante te. Ante te Domine, laus tua tu ipse es. Laudent te opera tua secundùm multitudinem magnitudinis tuæ: Laus tua Domine, incomprehensibilis est: corde non comprehenditur, ore non mensuratur, aure non percipitur: quia ista transiunt, & laus tua Domine, manet in æternum. Cogitatio incipit, & cogitatio finitur: vox sonat, vox transit: auris audit, & auditus desinit: laus verò tua in æternum stat.

2. Quis ergo est, qui te laudet?
Quis homo annunciet laudem tuam?

Laus

Laus tua perpetua est, transitoria non est. Hic te laudat, qui te ipsum laudem tuam credit. Hic te laudat, qui se ipsum noscit in tuam laudem non posse pertingere. Laus perpetua, quæ nunquam transit; in te est laus nostra, in te laudabitur anima mea. Non nos te laudamus, sed tu te, & per te, & in te: & nobis etiam est laus in te. Tunc veram habemus laudem, quando à te habemus laudem, quando lux approbat lucem: quia tu vera laus tribuis veram laudem.

3. Quoties autem ab alio, quam à te quærimus laudem, toties tuam amittimus laudem: quia illa transitoria est, sed tua æterna. Si transitoriam quærimus, æternam amittimus laudem. Si æternam volumus, transitoriam non amemus. Laus æterna Domine DEUS meus; à quo omnis laus, sive quo nulla est laus.

4. Non valeo laudare te , sinè te.
Habeam te , & laudabo te. Quid
enim ego sum Domine , per me , ut
laudem te ? Pulvis , & cinis ego sum,
canis mortuus , & fætens ego sum,
vermis , & putredo ego sum. Quis
ego sum , ut laudem te Domine
DEUS fortissime , spiritus universæ
carnis , qui inhabitas æternitatem ?

5. Nunquid tenebræ laudabunt
lucem , aut mors vitam ? Tu lux ,
ego tenebræ : tu vita , ego mors.
Nunquid vanitas veritatem laudabit?
Tu es veritas , ego homo similis fa-
etus vanitati. Quid ergo Domine,
laudabo te ? Nunquid miseria mea
laudabit te ? Nunquid fætor lauda-
bit odorem ? Nunquid mortalitas
hominis , quæ hodie est , & cras
collitur , laudabit te ? Nunquid lau-
dabit te homo putredo , & filius
hominis vermis ? Nunquid laudabit
te Domine , qui in peccatis conce-
ptus est , & natus , & nutritus ?

Non

Non est enim speciosa laus in ore peccatoris.

6. Laudet te Domine DEUS meus, incomprehensibilis potentia tua, in-circumscrip-tibilis sapientia tua, & ineffabilis bonitas tua. Laudet te supereminens clementia tua, super-abundans misericordia tua, sempiter-na quoque virtus, & divinitas tua. Laudet te omnipotentissima fortitu-do tua, summa quoque benignitas tua, & charitas tua, per quam creâsti nos, Domine DEUS, vita animæ meæ.

C A P U T XI.

De spe erigenda ad DEUM.

I. **E**go autem creatura tua sub umbra alarum tuarum sperabo in bonitate tua, qua creâsti me. Adjuva creaturam tuam, quam crea-vit benignitas tua: Non pereat ini-malitia mea, quod operata est boni-tas

tas tua: non pereat in miseria mea,
quod fecit summa clementia tua.

2. Quæ est enim utilitas in crea-
tione tua, si descendam in corruptio-
nem meam? Nunquid enim vanè
DEUS, constituisti omnes filios ho-
minum? Creâsti me Domine, rege
quod creâsti. Opera manuum tua-
rum ne despicias, DEUS! Me fecisti
de nihilo: si me non regis Domine,
iterùm revertar ad nihilum. Sicut
enim Dominus, non eram, & de ni-
hilo fecisti me; sic si me non regis,
adhuc ad nihilum redigar in me.

3. Aduva me Domine, vita mea,
ne peream in malitia mea. Si non
creâsses me Domine, non essem:
quia creâsti me, jam sum. Si non regis;
jam non sum. Non enim mea merita,
non mea gratia te coegerunt, ut creares
me: sed benignissima bonitas tua, &
clementia tua. Illa charitas tua Domi-
ne DEUS meus, quæ te ad creationem
coegit, ipsa (quæso) modò cogat te
ad regendum.

4. Quid

4. Quid enim prodest, quod te compulit charitas tua ad creandum, si peream in miseria mea, & non me regat dextera tua? Hæc te cogat, Domine DEUS meus, clementia ad salvandum, quod creatum est; quæ te compulit creare, quod creatum non est.

5. Ipsa te vincat charitas ad salvandum, quæ te vicit ad creandum, quia nec nunc minor est, quia ipsa charitas tu ipse es, qui semper idem es: non est abbreviata manus tua Domine, ut salvare nequeat; neque aggravata est auris tua, ut non audiat; sed peccata mea diviserunt inter me, & te; inter tenebras, & lucem; inter imaginem mortis, & vitam; inter vanitatem, & veritatem; inter lunaticam hanc vitam meam, & sempiternam tuam.



42 SOLILOQUIA
C A P U T X I I .

De laqueis concupiscentiarum.

1. **H**Æ sunt umbræ tenebrarum,
quibus operior in hac aby-
fo caliginosi carceris hujus : in qua
prostratus jaceo , donec aspiret dies,
& inclinentur umbræ , fátque lux in
firmamento virtutis tuæ.

2. Vox Domini in virtute , vox
Domini in magnificentia : dicat ; Fiat
lux , & effugentur tenebræ : & ap-
pareat arida , germinetque terra her-
bam virentem , & facientem semen,
& fructum bonum justitiæ regni tui
Domine, Pater , & DEUS : vita , per
quam omnia vivunt , & sine qua
omnia mortua computantur , ne de-
relinquas me in cogitatu maligno , &
extollentiam oculorum meorum ne
dederis mihi : aufer à me concupi-
scencias , & animo irreverenti , &
infrunito ne tradas me ; sed posside
cor meum , ut te cogitet semper.

3. Illumina oculos meos , ut te videant , & non extollantur ante te, gloria sempiterna ! sed humiliter sentiant , non in mirabilibus super se : & quæ à dextris sunt videant, & non quæ à sinistris abs te. Et palpebrae tuæ præcedant gressus meos ; nam & palpebrae tuæ interrogant filios hominum.

4. Allide concupiscentiam meam dulcedine tua , quam abscondisti timentibus te : ut concupiscam te concupiscentiis sempiternis : ne vanis illectus , & deceptus interior gustus , ponat amarum dulce , & dulce amarum , tenebras lucem , & lucem tenebras , ut liberari in medio tot decipularum possim ab inimico super faciem viæ hujus positarum , ad capiendas animas peccatorum , quibus plenus est totus mundus. Quod is , qui vidit , sub silentio non transivit , inquiens ; Quidquid enim est in mundo , aut est concupiscentia carnis , aut concupiscentia oculorum , aut superbia vitæ.

5. Ecce Domine DEUS meus, mundus totus plenus est concupiscentiarum laqueis, quos paraverunt pedibus meis, & quis effugiet hos laqueos? Profecto à quo tu abstuleris extollentiam oculorum suorum, ut non eum capiat concupiscentia oculorum; & à quo tu abstuleris carnis concupiscentiam, ne eum capiat carnis concupiscentia: & à quo tu abstuleris animum irreverentem, & infrunitum, ne eum callide decipiat superbia vitae. O quam felix, cui hæc tu facies! quippe transibit immunis.

6. Nunc Redemptor, te precor per te, adjuva me, ne corruam in conspectu adversariorum meorum, captus laqueis eorum, quos paraverunt pedibus meis, ut incurvent animam meam. Sed erue me virtus salutis meæ, ne sibi risum exhibeant de me inimici tui, qui oderunt te. Exurge Domine DEUS meus, fortis meus, & dissipentur inimici tui, &

fu-

fugiant , qui oderunt te , à facie tua.

7. Sicut fluit cera à facie ignis ,
sic pereant peccatores à facie tua : &
ego abscondar in abscondito faciei
tuæ , & gaudeam cum filiis tuis , sa-
tiatus omnibus bonis tuis.

8. Et tu Domine DEUS , Pater
orphanorum : & tu mater pupillo-
rum tuorum , audi ejulatum filiorum
tuorum : & extende alas tuas , ut
fugiamus sub eas à facie inimici .
Turris fortitudinis Israel , qui non
dormitabis , neque dormies custo-
diens Israel , quia non dormit , neque
dormitat hostis , qui impugnat Israel .

C A P U T X I I I .

*De miseria hominis , & beneficiis
D E I*

I. **O** Lux ! quam non videt alia
lux : lumen , quod non vi-
det aliud lumen : Lux , quæ obtene-
brat omnem lucem : & lumen , quod

46 SOLILOQUIA

excæcat omne extraneum lumen.
Lux, à qua omnis lux: lumen, à
quo omne lumen. Lumen, ad quod
omne lumen est tenebræ: ad quod
omnis lux obscuritas. Lux, cui
omnes tenebræ lumen, cui omnis
obscuritas lux. Lux superna, quam
cæcitas non obnubilat, quam caligo
non hebetat, quam tenebræ non ob-
scurant, quam nulla obstantia clau-
dit, quam nunquam separat aliqua
umbra.

2. Lux, quæ illuminas omnia to-
ta simul, semel, & semper; absor-
be me in claritatis abyssum, ut vi-
deam undique te in te, & me in te,
& cuncta sub te. Ne derelinquas
me, ne accrescant umbræ ignoran-
tiæ meæ, & multiplicentur delicta
mea. Sinè te enim omnia sunt mi-
hi tenebræ, omnia mala; nihil bo-
num sinè te verò, solo, & summo
bono.

3. Hoc confiteor, hoc scio Domine DEUS meus, quia ubique sum sine te, male est mihi praeter te; non solum extra me, sed etiam in me: quia omnis copia, quæ non est DEUS meus, mihi est egestas. Satiabor tunc, cum apparuerit gloria tua.

4. Et tu Domine, vita mea beata, fac ut miseriam meam confitear tibi, ex quo ab unitate bonitatis tuæ, summo, & uno bono, temporalium rerum multiformitas, lapsum me per carnales sensus, dissipavit, & ab uno in multa divisit; & facta est mihi abundantia laboriosa, & egestas copiosa: dum aliud, & aliud sequebar, & à nullo implebar: dum non in me inveniebam te incommutabile, & singulare, indivisum, unum bonum: quod consecutus, non egeo: quod consecutus, non doleo: quod possidens, satiatur totum desiderium meum.

5. Heu miseria super miseriam !
cùm misera anima mea à te refugit,
cum quo semper abundat , & gaudet:
& sequitur mundum , cum quo
semper eget , & dolet. Mundus
clamat , deficio : tu Domine , cla-
mas , reficio ; & miseria mea prava
magis sequitur deficientem , quàm
reficientem. Plane infirmitas mea
hæc est.

6. Medice spirituum sana illam ;
ut confitear tibi , salus animæ meæ ,
toto corde meo super omnibus be-
neficiis tuis , quibus pascis me à ju-
ventute mea , & usque in senectam ,
& senium. Te deprecor per teipsum ,
ne derelinquas me : fecisti me , cùm
non essem , redemisti me , cùm pe-
riisset : periérām , mortuus fueram ;
ad mortuum descendisti , mortalita-
tem suscepisti ; ad servum Rex de-
scendisti ; ut servum redimeres , te-
ipsum tradidisti. Ut ego viverem ,
tu mortem suscepisti , mortem vi-
cisti.

cisti. Me instaurâsti , cùm te humiliâsti.

7. Periérām , abiérām , in peccatis venundatus eram : venisti pro me, ut redimeres me: & tantum me dilexisti, ut sanguinem tuum in pretium dares pro me , dilexisti me Domine , plusquam te , quia mori voluisti pro me.

8. Tali pæto , tam caro pretio , reduxisti me de exilio : redemisti me de servitio : retraxisti me de supplicio : vocâsti me nomine tuo : signâsti me sanguine tuo : ut memoriale tuum semper esset apud me , & nunquam recederet à corde meo , qui pro me non recessit à cruce.

9. Unxisti me oleô tuô , quô tu unctus fuisti ; ut à te Christo dicerer Christianus. Et in manibus tuis descripsisti me , ut semper sit memoria apud te , si tamen memoria tua jupiter fuerit apud me. Sic igitur gratia tua semper , & misericordia

prævenerunt me. De multis namque, & magnis periculis sœpe liberasti me, liberator meus.

10. Quando erravi, ad viam reduxisti me: quando ignoravi, docuisti me: quando peccavi, corripiuisti me: quando tristis fui, consolatus es me: quando desperavi, confortasti me: quando cecidi, erexisti me: quando steti, tenuisti me: quando ivi, deduxisti me: quando veni, suscepisti me: quando dormivi, custodisti me: quando clamavi, exaudiisti me.

C A P U T X I V.

Quòd DEUS perpetua inspectione considerat opera, & intentiones hominum.

I. **H**Æc enim, & multa alia beneficia fecisti mihi Domine DEUS meus, vita animæ meæ, de quibus dulce esset mihi semper loqui, semper cogitare, semper tibi gratias agere.

gratias agere: ut possim te semper
pro omnibus bonis tuis laudare, &
amare te toto corde meo, & tota ani-
ma mea, & tota mente mea, & to-
ta fortitudine mea, simul ex omni-
bus medullis, & intimis cordis mei,
& omnium compagum mearum.

2. Beata dulcedo, Domine DEUS
meus, omnium, qui delectantur in
te. Sed imperfectum meum vide-
runt oculi tui. Oculi (inquam) tui
multo lucidiores sunt sole, circum-
spicientes omnes vias hominum,
& profundum abyssi, & in omni
loco contemplantur semper bonos,
& malos.

3. Cum enim cunctis praefideas,
singula implens, totus semper ubique
praesens, cunctorumque curam agens,
quaæ creasti: quia nihil odisti eo-
rum, quaæ fecisti: sic gressus meos,
semitasque consideras, & die, noctu-
que super custodiam meam vigilas,
omnes semitas meas diligenter no-

tans: Speculator perpetuus, veluti si totius creaturæ tuæ, cœli, & terræ oblitus, tantum me solum consideres, & nihil sit tibi curæ de aliis.

4. Neque enim tibi crescit lux incommutabilis visionis tuæ, si tantum unum aspicias, neque minuitur, si innumera videas, & diversa. Quia sicut unà totum simul perfectè consideras, sic singula quælibet, licet diversa, perfectè simul, totaque totus conspicit visus tuus. Sed sicut omnia, sic unum: & sicut unum, sic singula totus simul sine divisione, vel commutatione, vel diminutione consideras. Itaque totus tu in toto tempore sine tempore, totum me simul, sempérque consideras, ac si nihil aliud considerare debeas.

5. Sic igitur super custodiam meam stas, sicut si omnium oblitus sis, & mihi soli intendere velis. Semper quippe te præsentem exhibes, semper te paratum offers, si me para-

paratum invenis. **Quocunque**
iéro, tu me Domine non deseris,
 nisi prior ego te deseram. **Ubi-**
cun-
que fuero, non recedis : quoniam
 ubique es, ut **quocunque iéro**, in-
 veniam te, per quem possim esse, ne
 peream sinè te, cùm sinè te esse non
 possim.

6. Fateor quidem, quia quicquid
 facio, & quæcunque facio, ante te
 facio ; & illud quicquid est, quod fa-
 cio, melius tu vides, quàm ego, qui
 facio. **Quidquid enim semper ope-**
rōr, tu pariter semper præsens ades:
 utpote perpetuus inspectoR omnium
 cogitationum, intentionum, dele-
 tationum, & operationum mearum.
 Domine, ante te semper est omne
 desiderium meum, ante te tota co-
 gitatio mea.

7. Tu Domine vides, unde ve-
 niat spiritus, ubi sit, & quo vadat,
 quia tu es omnium spirituum ponde-
 rator. Et utrum radix sit dulcis, an

amara, de qua foris pulchra folia emit-tuntur: tu judex interius melius ipse nōsti, & etiam medullas radicum sub-tilius perscrutaris.

8. Et non solum intentionem, sed radicis ejus medullam intimam disertissima tuæ lucis veritate colli-gis, numeras, intueris, & consignas: ut reddas unicuique non so-lummodo secundum opera, vel intentionem, sed etiam secundum ipsam interiorem absconditam medullam ra-dicis: de qua procedit intentio ope-rantis, ad quod tendo, cum operor, quidquid cogito, & in quocunque delector, tu vides: aures tuæ au-diunt: oculi tui vident, & conside-rant: signas, attendis, notas, & scribis in libro tuo, sive bonum fuerit, sive malum: ut reddas postea pro bo-no prœmia, pro malo supplicia: quando aperientur libri, & judica-buntur secundum hæc, quæ fuerunt scripta in libris tuis.

9. Hoc est fortè, quod jam dixisti nobis: Considerabo novissima eorum; & quod de te Domine, dicitur: universorum finem ipse considerat: quoniam tu quidem in omnibus, quæ agimus, finem intentionis magis, quam actum operationis attendis. Cumque hoc diligenter considero, Domine DEUS meus terribilis, & fortis; timore pariter, & ingenti rubore confundor: quoniam nobis magna est indita necessitas, justè, recteque vivendi, quia cuncta facimus ante oculos judicis, cuncta cernentis.

C A P U T X V.

Quòd homo per se nihil potest sine divina gratia.

1. **F**ortissime, magnipotens DEUS spirituum universæ carnis, cuius oculi sunt super omnes vias filiorum Adam, à die nativitatis eorum usque in diem exitus eorum,

ut reddas unicuique secundùm opera
sua , bona , vel mala ; ostende mihi ,
ut confitear tibi paupertatem meam ;
quoniam dixi , quod dives essem ,
& nullius egerem : & nesciebam ,
quoniam pauper eram , cæcus , nu-
dus , miser , & miserabilis .

2. Credebam enim me fore ali-
quid , cùm nihil essem . Duxi , sa-
piens efficiar , & stultus factus sum .
Cogitabam me esse prudentem , &
deceptus sum : & video nunc , quia
donum tuum est , sinè quo nihil pos-
sumus facere : quia nisi tu , Domine ,
custodiéris civitatem , frustrà vigilat ,
qui custodit eam .

3. Sic docuisti me , ut cognosce-
rem : quia dereliquisti me , & pro-
bâsti me , non propter te , quòd co-
gnosceres me ; sed propter me , ut
cognoscerem me . Nam , ut dixi ,
Domine , credebam me aliquid fore
ex me , existimabam me sufficere per
me : nec percipiebam , quoniam tu
re-

regebas me: donec aliquantulum te elongasti à me, & cecidi statim in me: vidi, & cognovi, quoniam tu regebas me; quod cecidi, fuit ex me: & quod surrexi, ex te.

4. Aperuisti mihi oculos, lux, & excitasti, & illuminasti me: vidi, quoniam tentatio est vita hominis super terram: & quod gloriari non valeat ante te omnis caro, nec justificabitur omnis vivens: quoniam si quid boni est, parvi, vel magni, donum tuum est, & nostrum non nisi malum est. Unde igitur gloriabitur omnis caro? nunquid de malo? Hæc non est gloria, sed miseria. Sed nunquid gloriabitur de bono? nunquid de alieno? Tuum Domine est bonum, tua est gloria.

5. Qui enim de bono tuo gloriam sibi quærit, & non tibi quærit, hic fur est, & latro: & similis est diabolo, qui voluit furari gloriam tuam. Qui enim laudari vult de tuo do-

no, & non quærit in illo gloriam tuam, sed suam; hic licet propter tuum donum laudetur ab hominibus, a te tamen vituperatur: quia de dono tuo, non tuam, sed suam gloriam quæsivit. Qui autem ab hominibus laudatur vituperante te; non defendetur ab hominibus judicante te, nec liberabitur condemnante te.

6. At tu Domine, formator meus ab utero matris meæ, non me finas cadere in illam exprobationem, ut exprobretur mihi furari voluisse gloriam tuam: tibi enim sit gloria, cuius est omne bonum: nobis autem confusio faciei, & miseria, quorum est omne malum, nisi tu volueris misereri. Misereris quippe Domine: misereris omnium, & nihil odiisti eorum, quæ fecisti: & das nobis de bonis tuis, & ditas nos Domine DEUS inopes optimis donis tuis. Quoniam diligis pauperes, & divites facis eos divitiis tuis.

7. Ecce nunc Domine, pauperes nos filii tui sumus, & pusillus grex tuus: aperi nobis januas tuas, & edent pauperes, & saturabuntur: & laudabunt te, qui requirunt te. Scio enim Domine, & confiteor docente te; quoniam illi soli, qui cognoscunt se pauperes, & confitentur tibi paupertatem suam, ditabuntur à te; quoniam qui se divites existimant, cum sint pauperes, à tuis divitiis invenientur exclusi.

8. Ego igitur confiteor tibi, Domine Deus meus, paupertatem meam, ut sit tibi tua gloria tota, quoniam tuum est omne bonum per me gestum. Domine confiteor, ut docuisti me; nihil aliud sum, quam universa vanitas, & umbra mortis, & abyssus quædam tenebrosa, & terra inanis, & vacua, quæ sine tua benedictione nil germinat: fructum quoque non facit, nisi confusionem, peccatum, & mortem.

9. Si quid boni unquam habui , à te recepi : quidquid boni habeo , tuum est , vel à te habeo . Si quando steti , per te steti , sed quando cecidi , per me cecidi : & semper in luto jacuissem , nisi tu me erexisses : semper cæcus fuisse , nisi tu me illuminâsses . Quando cecidi , nunquam surrexissem , nisi tu mihi manum porrexiisses : postquam me etiam erexit , semper cecidissem , nisi tu me sustinuisses . Sæpius periisssem , nisi me gubernâsses .

10. Sic semper Domine , sic semper gratia tua , & misericordia tua prævenit me , liberans me ab omnibus malis , salvans à præteritis , suscitans à præsentibus , muniens à futuris . Præcidens etiam ante me laqueos peccatorum , tollens occasiones , & causas : quia nisi tu hoc mihi fecisses , ego omnia peccata mundi fecissem .

II. Quoniam scio Domine, quòd nullum peccatum est, quod unquam fecerit homo, quod non possit facere alter homo, si creator desit, à quo factus est homo. Sed quòd non facerem, tu fecisti: quòd abstinerem, tu jussisti: & quòd tibi crederem, gratiam tu infudisti: Tu námque Domine, regebas me tibi, & mihi. Ut adulterium, & omne aliud peccatum non committerem; gratiam, & lumen donâsti.

C A P U T X V I .

De Diabolo, & multiplicibus temptationibus ejus.

I. **T**entator defuit, & ut deesset, tu fecisti: locus, & tempus defuit, & ut hæc deessent, tu fecisti. Affuit tentator, non defuit locus, non defuit tempus: sed ut non consentirem, tu me tenuisti. Venit tentator tenebrosus, ut est, & ut eum despicerem, tu me confor-

tâsti. Venit tentator armatus , & fortis: & ut me non vinceret , tu eum refrænâsti , & me roborâsti.

2. Venit tentator transfiguratus in Angelum lucis , & ut me non deciperet , tu eum increpâsti: & ut eum cognoscerem , tu me illuminâsti: Ipse enim est draco ille magnus , & rufus , & serpens antiquus , vocatus Diabolus , & Satanás , habens capita septem , & cornua decem : quem creâsti ad illudendum huic mari magno , & spatiose , in quo reptant animalia , quorum non est numerus : & animalia pusilla , & magna , id est , diversa dæmonum genera , qui nihil aliud die , noctuque operantur , nisi quod circumveant , quærentes , quem devorent , nisi tu eripias.

3. Ipse enim est antiquus ille draco , qui ortus est in paradiso voluptatis , qui cauda sua trahit tertiam partem stellarum cœli , & eas mittit in terram : qui venenô suô corrum-
pit

pit aquas terræ , ut bibentes homines moriantur : & qui sternit sibi aurum quasi lutum , & habet fiduciam , quod influat Jordanis in os suum , qui factus est , ut nullum timeat.

4. Et quis defendet à morsibus ejus ? Quis eruet ab ore ejus , nisi tu Domine , qui confregisti capita draconis magni ? Adjuva nos : prætende Domine , super nos alas tuas : ut fugiamus sub eis à facie draconis hujus , qui nos persequitur , & scutō tuō libera nos à cornibus ejus . Hoc enim continuum studium ejus , hoc unicum desiderium ejus , ut animas , quas creâsti , devoret.

5. Et ideò , DEUS meus , ad te clamamus , libera nos ab adversario nostro quotidiano : qui sive dormiamus , sive vigilemus , sive comedamus , sive bibamus , sive quodcumque opus operemur , omnibus modis , instat die , ac nocte fraudibus , & artibus , nunc palam , nunc
oc-

occultè, sagittas venenatas contra nos dirigens, ut interficiat animas nostras.

6. Et tamen Domine, pessima infania nostra: quia cùm continuè videamus contra nos draconem ore aperto, paratum ad devorandum, nihilominus dormimus, & lascivimus in pigritiis nostris, tanquam securi ante eum; qui nihil aliud desiderat, quam ut nos perdat. Inimicus, ut occidat, semper vigilat sine somno: & nos, ut custodiamus nos, nolumus evigilare à somno.

7. Ecce tetendit ante pedes nostros laqueos infinitos, & omnes vias nostras variis replevit decipulis, ad capiendas animas nostras. Ecquis effugiet? Laqueos posuit in divitiis: laqueos posuit in paupertate: laqueos tetendit in cibo, in potu, in voluptate, in somno, & in vigilia: laqueos posuit in verbo, & in opere, & in omni via nostra. Sed tu Domine,

mine, libera nos de laqueo venantium, & à verbo aspero, ut confitemur tibi, dicentes: Benedictus Dominus, qui non dedit nos in captionem dentibus eorum. Anima nostra sicut passer erepta est de laqueo venantium. Laqueus contritus est, & nos liberati sumus.

CAPUT XVII.

Quòd DEUS est lux justorum.

I. **E**T tu quidem Domine, lux mea, illumina oculos meos, ut videam lumen, & ambulem in lumine tuo, & non impingam in laqueos ejus. Quis enim evadet laqueos istos multos, nisi videat eos? Et quis videbit eos, nisi quem illuminaveris lumine tuo? Ipse enim pater tenebrarum laqueos suos abscondit in tenebris suis, ut capiantur in eis omnes, qui sunt in tenebris suis, qui sunt filii tenebrarum
ha-

harum, non videntes lumen tuum : in quo , qui ambulat , non timebit.

2. Qui enim ambulat in die, non offendit : qui autem in nocte ambulat , offendit : quia lux non est in eo. Tu lux Domine , tu lux filiorum lucis : tu dies , qui nescis occasum, in qua ambulant filii tui sìne offensione : & sìne qua omnes , qui ambulant , in tenebris sunt , quia te lucem mundi non habent.

3. Ecce quotidie cernimus , quia quò magis à te vero lumine quis elongatur , eo magis peccatorum involvitur tenebris : & quo magis est in tenebris , eo minus videt laqueos in via sua , & ideo minus cognoscit , & idcirco sàpius rapitur , & cadit in eis : & quod est horribilius , etiam se cecidisse ignorat. Qui verò suum casum ignorat , eo minus curat surgere , quo magis se existimat adhuc stare.

4. Tu verò lux mentis, Domine
DEUS meus, nunc illumina oculos
meos, ut videam, & cognoscam,
ne corruam in conspectu adversario-
rum meorum. Etenim in extermi-
nium nostri laborat inimicus noster,
quem petimus, ut facias liquefieri à
facie nostra, sicut cera liqueficit à fa-
cie ignis.

5. Quoniam Domine ipse est la-
tro primus, & ultimus, qui consi-
lium fecit, ut raperet gloriam tuam,
quoniam inflatus, & elatus crepuit,
& cecidit in faciem suam, & dejeci-
sti eum de monte sancto tuo, & de
medio lapidum ignitorum, in quo-
rum medio ambulavit.

6. Et nunc, vita mea, Domine
DEUS meus, ex quo cecidit, non
cessat persequi filios tuos; & in
odium tuum, ô Rex magne! cupid
perdere hanc creaturam tuam, quam
creavit omnipotens bonitas tua ad
imaginem tuam: ut possideat gloriam
tuam,

tuam, quam ipse perdidit per superbiam suam. Sed contere eum fortis noster, antequam nos agnos tuos devoret: & illumina nos, ut videamus laqueos, quos ipse paravit: & evadamus ad te, o lætitia Israël.

7. Et hæc omnia tu Domine, melius nōsti, qui nōsti contentionem ejus, & cervicem ejus durissimam. Nec hoc dico, ut ostendam tibi; quia omnia vides, & nulla te latet cogitatio: Sed ante pedes tuæ majestatis, de inimico meo querimoniam facio, Jūdex æterne; ut & ipsum damnes, & nos filios tuos salves, quorum fortitudo tu es.

8. Versutus est enim Domine, iste hostis, & tortuosus, nec facile deprehendi possunt circuitus viæ ejus, nec cognosci species vultus ejus, nisi tu illumines. Nam nunc hic, nunc illic: nunc agnum, nunc lupum, nunc tenebras, nunc lucem in se ostendit: & singulis quibuslibet

bet qualitatibus, locis, & temporibus, secundum varias rerum mutationes, varias exhibet tentationes.

9. Nam ut tristes decipiat, tristatur & ipse: ut gaudentes illudat, fingit se, & ipse gaudere: ut spirituales defraudet, in Angelum lucis se transfigurat: ut fortes comprimat, apparet agnus: ut mites devoret, apparet lupus. Hæc quidem omnia secundum similitudinem variarum temptationum effici habent, ut terreat alios à timore nocturno, alios à sagitta volante in die, alios à negotio perambulante in tenebris, alios ab incursu; alios à dæmonio meridiano. Et ad hæc quis idoneus, ut cognoscat? & astutias ejus quis cognovit? Quis revelabit speciem indumenti ejus? & gyrum dentium ejus quis agnoscat?

10. En abscondit sagittas suas in pharetra, & laqueos suos abscondit sub specie lucis: & hoc difficilius per-

perpenditur ; nisi à te Domine , spes nostra , lumen assumamus , ut videamus omnia . Nam non solum in carnis operibus , quæ de facili cognoscuntur ; nec tantum in ipsis vitiis , sed in ipsis etiam spiritualibus exercitiis laqueos abscondit subtiles : & sub virtutum calore ipsa vitia induit , & transmutat se in angelum lucis .

II. Hæc , & multa alia nititur contra nos ipse filius Belial , ipse Satan , Domine DEUS noster . Et nunc ut leo , nunc ut draco ; manifestè , & occultè ; intus , & extra : die ac nocte insidiatur , ut rapiat animas nostras : Et tu eripe nos Domine , qui salvas sperantes in te ; ut ipse de nobis doleat , & tu lauderis in nobis , Domine DEUS noster .

C A P U T XVIII.

De beneficiis DEI.

I. Ego autem filius ancillæ tuæ , qui me commendavi manu tuæ ,

tuæ , jam his meis pauperculis confessionibus confitear tibi , liberator meus , tōto corde meo : & recolam ad mentem meam omnia bona , quæ fecisti mihi à juventute mea , in omni vita mea.

2. Scio namque quòd ingratitudo multùm tibi displiceat , quæ est radix totius mali spiritualis , & ventus quidam desiccans , & urens omne bonum ; obstruens fontem divinæ misericordiæ tuæ super hominem ; qua & mortua jam non moriuntur , & viva jam opera moriuntur , & ultrà non adipiscuntur. Et ego Domine , gratias tibi agam , ne sim ingratus tibi , liberator meus , quoniam liberâsti me. Quoties jam me absorbuerat ille draco , & tu Domine , ab ore ejus extraxisti me.

3. Quoties ego peccavi , & ipse paratus fuit deglutire me : sed tu , Domine DEUS meus defendisti me. Cùm contra te iniquè agebam , cùm tua

tua mandata frangebam, stabat ipse
paratus, ut me raperet ad infernum,
sed tu prohibebas. Ego te offendebam,
& tu me defendebas. Ego
te non timebam, & tu me custodiebas.
A te recedebam, & inimico
meo me exhibebam: tu ipsum, ne
me acciperet, deterrebas.

4. Hæc mihi tu Domine DEUS
meus, beneficia conferebas, & ego
miser non cognoscebam. Sic enim
me multoties à fauibus diaboli libe-
rasti, de ore leonis eripuisti, & ab
inferno, licet nescientem, multis vi-
cibus reduxisti. Descendi enim us-
que ad portas inferni, & ne illuc
intrarem, tu me tenuisti.

5. Appropinquabam usque ad por-
tas mortis, & ne me ipsæ caperent,
tu fecisti. De morte etiam corpo-
ris sæpius eruisti me, Salvator meus,
cùm graves morbi tenerent me, cùm
fui in periculis multis per mare, per
terræ: ab igne, & gladio, & ab
omni

omni periculo liberans , semper mihi astans , & misericorditer salvans . Sciebas tu quidem Domine , quia si tunc mors me occupasset , infernus animam meam suscepisset , & perpetuò damnatus fuisset .

6. Sed tua misericordia , & tua gratia prævenit me , eripiens me de morte corporis , & de morte animæ , Domine DEUS meus . Hæc & multa mihi tua alia beneficia exhibuisti , & ego eram cæcus , & non cognovi , donec illuminâsti me . Nunc igitur lux animæ meæ , Domine DEUS meus , vita mea , per quam vivo : lumen oculorum meorum , per quod video , en illuminâsti me , & cognosco te : quia vivo per te , & gratias ago tibi , licet viles , & exiles , & impares beneficiis tuis , quales habet mea fragilitas , offeram .

7. Quoniam tu es solus DEUS meus , Creator meus benignus , qui amas nostras animas , & nihil odisti

eorum, quæ fecisti. En ego primus inter peccatores, quos salvâsti, ut exemplum aliis tribuam benignissimæ pietatis tuæ.

8. Confiteor tibi beneficia tua magna, quoniam eripuisti me de inferno inferiori, semel, & secundò, & tertìo, & centies, & millies; & ego semper ad infernum tendebam, & tu me semper reducebas, & justè milles damnâsses me, si voluisses. Noluisti, quia amas animas, & dissimulas peccata hominum propter pœnitentiam, Domine DEUS meus, multæ misericordiæ in omnibus viis tuis.

9. Nunc ergo video hæc, Domine DEUS meus, & cognosco per lumen tuum, & deficit anima mea in misericordia tua magna, quæ est super me: quoniam eripuisti animam meam ex inferno inferiori, & me ad vitam reduxisti. Totus enim eram in morte, totum me resuscitâsti. Tuum igitur sit totum id, quod viv-

vo; & totus totum me tibi offero.
 Totus spiritus, totum cor, totum
 corpus, tota vita mea vivat tibi, vi-
 ta mea dulcis: quoniam totum me
 liberâsti, ut totum me possideres:
 totum me refecisti, ut totum me
 reh beres.

IO. Diligam te igitur Domine,
 virtus mea: diligam te, ineffabilis
 exultatio mea: & vivam jam non
 mihi, sed tibi. Tota vita mea, quæ
 perierat in miseria mea, resuscitata
 est in misericordia tua, qui es DEUS
 misericors, & miserator, & multæ
 misericordiæ in millia his, qui dili-
 gunt nomen tuum.

II. Idcirco, Domine DEUS meus,
 sanctificator meus, iusisti in lege tua,
 ut diligam te toto corde meo, tota
 anima mea, tota mente mea, tota forti-
 tudine mea, & totis viribus meis,
 & etiam ex intimis medullis cordis
 mei omnibus horis, & momentis,
 quibus fruor bonis misericordiæ tuæ:

quoniam semper perirem , nisi quia
semper regis me : semper morerer,
nisi quia semper me vivificas : &
omni momento me tibi obligas , dum
omni momento mihi tua magna be-
neficia præstas.

12. Sicut ergo nulla hora est , vel
punctum in omni vita mea , quô tuo
beneficio non utar ; sic nullum debet
esse momentum , quô te non habeam
ante oculos , in mea memoria ; & te
non diligam ex omni fortitudine mea.

13. Sed nec hoc valeo , nisi tu
dederis mihi : cuius est omne donum
bonum , & omne datum optimum ,
descendens à Patre luminum : apud
quem non est transmutatio , nec vi-
cissitudinis obumbratio . Non enim
est volentis , neque currentis , sed
tui miserentis , ut diligam te . Tuum
est , Domine , hoc donum , cuius est
omne bonum . Jubes te diligi , da ,
quod jubes , & jube , quod vis .

C A P U T X I X.

De fervore dilectionis, vel charitatis.

1. **A**Mo te, DEUS meus, magis que semper amare cupio; quia tu es revera omni melle dulcior, omni lacte nutribilior, & omni luce clarior. Idcirco super omne aurum, & argentum, & lapidem pretiosum es mihi charior.

2. Displicebat enim mihi quidquid agebam in sæculo præ dulcedine tua, & decore domûs tuæ, quam dilexi. O ignis, qui semper ardes, & nunquam extingueris! O amor, qui semper serves, & nunquam tepefcis, accende me! Accendar (inquam) totus à te, ut totus diligam te.

3. Minus enim te amat, qui tecum aliquid amat, quod non propter te amat. Diligam te Domine, quoniam tu prior dilexisti me. Et unde mihi verbum, ut explicem signa

dilectionis tuæ maximæ erga me,
propter innumera beneficia tua, qui-
bus à principio educâsti me?

4. Post beneficium nempe crea-
tionis, quando in principio de nihi-
lo ad imaginem tuam creâsti me: ho-
norificans, & exaltans me inter eas
creaturas, quas fecisti, & nobilitans
lumine vultus tui, quô signâsti su-
perliminare cordis mei, quô ab in-
sensibilibus pariter, & sensibilibus
brutis discrevisti me, & paulò mi-
nùs ab Angelis minuisti.

5. Parùm & hoc fuit ante con-
spectum divinitatis tuæ. Quo-
niam quotidianis, & singularibus,
maximisque donariis tuorum benefi-
ciorum, me sinè intermissione nutri-
visti, & quasi filium tuum parvu-
lum, tenellum, uberibus tuæ conso-
lationis lactâsti, & confortâsti me.
Ut enim tibi totus servirem; omnia,
quæcunque fecisti, in meum servi-
tium tradidisti.

C A P U T X X.

Quòd DEUS subjicit omnia servituti hominum.

1. **O**Mnia pedibus hominis subjicisti, ut solus homo totus tibi subjiceretur. Et ut tuus totus homo esset, super omnia opera tua dominatus est homo. Exteriora nempe pro corpore cuncta creasti, ipsum vero corpus pro anima, animam vero pro te, ut tibi soli vacaret, & te solum amaret: possidens te ad solatium, inferiora vero ad servitium.

2. Quidquid enim coeli ambitus continetur, inferius ab anima humana est: quæ facta est, ut summum bonum superius possideret, cuius possessione beata fieret, cui si adhaeserit, cunctorum mutabilium inferiorum necessitudines supergrediens, illius summæ majestatis, cuius æmulatur speciem, æternæ immortalitatis faciem cum serenitate videbit.

3. Tunc verò illis bonis optimis fruetur in domo domini, quorum comparatione cuncta hæc, quæ hic cernimus, velut nihilum computantur. Illic sunt, quæ oculus non vidit, nec auris audivit, nec in cor hominis ascenderunt, quæ paravit DEUS diligentibus se. Et hæc quidem Domine, datus es animæ. His etiam quotidie lætificas animas servorum tuorum, qui amas animas.

4. Quid miror hæc, Domine DEUS meus? Imaginem quippe tuam honorificas, & similitudinem tuam, ad quam creatæ sunt. Nam & corpori nostro, licet adhuc corruptibili, & ignobili, ut videret, dedisti cæli claritatem per manum ministrorum tuorum indefessorum Solis, & Lunæ, qui præcepto tuo jupiter die, ac nocte deserviunt filiis tuis: ut spiraret, largitus es aëris puritatem: ut audiret, sonorum varietates: ut odoraret, odorum sua-

vita-

vitates : ut gustaret, saporum qualitates : ut contrectaret, dedisti corpulentorum omnium grossitates.

5. Adjuvamenta suis necessitatibus dedisti jumenta: volucres quoque cœli, & pisces maris, & fructus terræ ad reficiendum impendisti. Medicinas de terra propter singulas quasque suas corruptelas creasti. Singula solatia singulis malis obviantia præparasti, quoniam es misericors, & miserator: & novisti figmentum nostrum, figulus noster, & nos omnes quasi lutum in manu tua.

C A P U T X X I.

Quòd ex consideratione bonorum temporalium colligitur magnitudo celestis consilii.

I. **E**N aperiatur mihi misericordia tua magna, tuo lumine illustra (quæso) magis adhuc, ut mihi magis aperiatur. Nam ex his mini-

mis tua magna, & ex his visibilibus tua invisibilia comprehendimus, Domine DEUS sancte, & bone creator noster. Si enim, mi Domine, pro hoc corpore ignobili, & corruptibili, tam magna, & innumera beneficia præstas à cœlo, & ab aëre, à terra, & mari, à luce, & tenebris, à calore, & umbra, rore, & imbre, ventis, & pluviis, volucribus, & piscibus, bestiis, & arboribus, & multiplicitate herbarum, & germinum terræ, & cunctarum creaturarum tuarum ministerio nobis successivè per sua tempora ministrantium, ut alleves fastidium nostrum; qualia, quæso, & quam magna, & innumerabilia erunt illa bona, quæ parasti diligentibus te in illa cœlesti patria, ubi te videbimus facie ad faciem? Si tanta facis nobis in carcere, quid ages in palatio?

2. Magna, & innumerabilia sunt opera tua Domine, Rex cœlorum!

Cum

Cùm enim sint hæc omnia valdè bona, & delectabilia, quæ bonis pariter, malisque communia tradidisti: qualia futura sunt illa, quæ solis bonis recondidisti? Si tam innumera, & varia dona tua, quæ nunc amicis pariter tribuis, & inimicis: quàm magna, & innumerabilia, quàm dulcia, & delectabilia, quæ solis tuis es largiturus amicis?

3. Si tanta solatia in hac die lacrymarum; quanta conferes in die nuptiarum? Si tanta delectabilia continent carcer, quanta quæso, continent patria? Oculus non vidit, DEUS, absque te, quæ præparâsti diligentibus te. Secundùm enim magnam multitudinem magnificiæ tuæ, est etiam multitudo magna dulcedinis tuæ, quam abscondisti timentibus te.

4. Magnus enim tu es, Domine DEUS meus, & immensus! nec est finis magnitudinis tuæ, nec est numerus sapientiæ tuæ, nec est men-

sura benignitatis tuæ , nec est finis , nec numerus , nec mensura retributio-
nis tuæ : sed sicut magnus es tu , ità magna sunt donaria tua ; quoniam tu ipse es præmium , & donum omnium legitimorum tuorum pu-
gnatorum.

CAPUT XXII.

*Quòd divina dulcedo omnem præ-
sentem mundi amaritudi-
nem tollit.*

1. **H**Æc sunt beneficia magna tua,
Domine DEUS , sanctificator
Sanctorum tuorum , quibus re-
pleturus es inopiam esfuriens filiorum tuorum . Quoniam tu es
spes desperatorum . Tu corona spei ,
quæ ornata est gloriâ , præparata vin-
centibus . Tu famelicorum satietas
æterna , danda esfuriens . Tu con-
solatio sempiterna , qui solis illis te
tribuis , qui consolationem hujus
mundi pro tua perpetua consolatio-
ne contemnunt .

2. Nam

2. Nam qui h̄ic consolantur, indigni tua consolatione habentur. Sed qui h̄ic cruciantur, à te consolantur: & qui participant passionibus, participant & consolationibus. Nemo enim potest in utroque s̄eculo consolari: nec potest quis h̄ic, & in futuro gaudere: sed unum necesse est, ut perdat, qui alterum voluerit possidere.

3. Hæc ubi considero Domine, consolator meus, in hac vita renuit consolari anima mea, ut digna habeatur tuis consolationibus æternis: quia justum est, ut amittat te, qui cunque in aliquo alio magis consolari eligit, quam in te.

4. Et obsecro summa veritas te per te, non permittas me in aliqua consolatione vana consolari. Sed peto, ut omnia mihi amarescant: ut tu solus dulcis appareas animæ meæ, qui es dulcedo inæstimabilis, per quam cuncta amara dulcorantur.

5. Tua enim dulcedo Stephano lapides torrentis dulcoravit. Tua dulcedo craticulam beato Laurentio dulcem fecit. Præ tua dulcedine ibant Apostoli gaudentes à conspectu Concilii, quoniam digni habitu sunt pro nomine tuo contumeliam pati. Ibat Andreas securus ad crucem, & gaudens, quoniam ad tuam dulcedinem properabat.

6. Hæc tua dulcedo ipsos Apostolorum principes sic replevit, ut pro ipsa crucis patibulum unus eligeret: alter quoque caput ferienti gladio supponere non timeret. Pro hac emenda Bartholomæus propriam pellem dedit. Pro hac quoque gustanda, veneni poculum intrepidus Joannes potavit.

7. Hanc verò ut gustavit Petrus, omnium inferiorum oblitus, clamavit quasi ebrius dicens: Domine, bonum est nos hic esse, faciamus tria tabernacula, hic moremur, te
con-

contemplemur, quia nullo alio indigemus. Sufficit nobis Domine, videre te, sufficit (inquit) tanta dulcedine satiari. Unam enim stillam dulcedinis ille gustavit, & omnem aliam fastidivit dulcedinem. Quid putas dixisset, si magnam illam multitudinem dulcedinis divinitatis tuæ gustasset, quam abscondisti timentibus te?

8. Hanc tuam dulcedinem ineffabilem & illa gustaverat virgo, de qua legimus, quod lætissima, & glorianter ibat ad carcerem, quasi ad epulas invitata. Hanc ut reor, & ipse gustaverat, qui dicebat: Quàm magna multitudo dulcedinis tuæ Domine, quam abscondisti timentibus te! Quique monebat: Gustate, & vide-
te, quoniam suavis est Dominus. Hæc est enim illa beatitudo, Domine Deus noster, quam expectamus daturum te nobis: pro qua tibi

Do-

Domine, continuè militamus, pro
qua tibi mortificamur tota die, ut in
tua vita tibi vivamus.

CAPUT XXIII.

*Quòd tota spes nostra, & deside-
rium cordis nostri debeat esse
in DELLM.*

1. **T**U autem Domine, expecta-
tio Israël, desiderium, ad
quod suspirat cor nostrum quotidie,
festina, ne tardaveris. Surge, pro-
pera, & veni, ut educas nos de isto
carcere ad confitendum nomini tuo,
ut gloriemur in lumine tuo. Aperi
aures tuas clamoribus lachrymarum
pupillorum tuorum, qui clamant ad
te: Pater noster da nobis hodie pa-
nem nostrum quotidianum: in cuius
fortitudine ambulemus die, ac nocte,
usquequo perveniamus ad montem
sanctum tuum Oreb.

2. Et ego parvulus inter parvu-
los familiæ tuæ DEUS Pater, & vir-
tus

tus mea: quando veniam, & appa-
rebo ante faciem tuam? ut qui nunc
tibi confiteor ad tempus: ex tunc
confitear tibi in æternum. Beatus
ero, si fuero admissus ad videndum
claritatem tuam. Quis mihi hoc
tribuat, ut ad hoc venire permit-
tas me?

3. Scio Domine, scio, & con-
fiteor me indignum, ut intrem sub
tectum tuum; sed fac propter ho-
norem tuum, & ne confundas in te
sperantem servum tuum. Et quis
intrabit sanctuarium tuum ad consi-
derandas potentias tuas, nisi tu ape-
rias? Quis autem aperiet, si tu
clauferis?

4. Si enim destruxeris, nemo est,
qui ædificet. Et si inclusferis homi-
nem, nemo est, qui aperiat. Si con-
tinueris aquas, omnia siccabuntur.
Et si miseris eas, subvertent terram.
Si omnia, quæ fecisti ad nihilum re-
digas, quis contradicet tibi? porro
sem-

sempiterna bonitas misericordiæ tuæ,
qua fecisti omnia, quæcunque volui-
sti. Tu nos fecisti, fabricator mun-
di; rege nos. Tu nos creâsti; ne
spernas nos, qui opera tua sumus.
Et quidem Domine DEUS noster,
nos lutum, & vermiculi, non vale-
mus in tuas æternitates intrare, nisi
tu induxeris, qui de nihilo cuncta
creâsti.

C A P U T XXIV.

Quòd salus nostra ex DEO est.

i. **E**go autem opus manuum tua-
rum confitebor tibi in timo-
re tuo, quia non in arcu meo spera-
bo, & gladius meus non salvabit me:
sed dextera tua, & brachium tuum,
& illuminatio vultus tui. Alioquin
desperarem, quoniam spes mea tu-
es, qui creâsti me, quoniam non de-
relinquis sperantes in te. Tu quip-
pe es, Domine DEUS noster, sua-
vis, & patiens, in misericordia dispo-
nens omnia,

2. Nam

2. Nam si peccaverimus, tui sumus: si non peccaverimus, tui sumus: quoniam apud te sumus computati. Nos enim folium universi, & vanitas est omnis homo vivens, & ventus est vita nostra super terram. Ne irascaris, si cadimus pupilli tui, quoniam tu nōsti figmentum nostrum, Domine DEUS noster.

3. Num DEUS inæstimabilis fortitudinis contra folum, quod à vento rapitur, ostendere vis potentiam tuam, & stipulam siccum persequevis? Num damnabis, Rex Israël æterne, canem unum? Num damnabis pulicem unum? Audivimus de misericordia tua Domine, quoniam tu mortem non facis, nec lœtaris in perditione morientium.

4. Propter hoc Domine, oramus te, ne permittas dominari, quod non fecisti, huic creaturæ tuæ, quam fecisti. Si enim doles de perditione, quid te prohibet Domine, qui omnia

omnia potes, ne semper læteris de nostra salvatione? Si vis, potes me salvare: ego autem etsi vellem, non possem. Magna est multitudo misericiarum mearum mecum.

5. Velle quippe mihi adjacet, perficere autem non invenio. Velle quod bonum est, non possum, nisi tu velis: nec quod volo possum, nisi tua potentia me confortet, & quod possum aliquando, nolo, nisi tua voluntas fiat sicut in cœlo, & in terra. Et quod volo, & possum, ignoro, nisi tua sapientia me illustreret. Etsi etiam sciam, quandoque volens, quandoque nolens, imperfecta, & vacua transit sapientia mea, nisi adjuvet vera sapientia tua.

6. In tua autem voluntate cuncta sunt posita, & non est, qui possit resistere voluntati tuæ Domine universorum, principatum tenens omnis carnis, & quæcunque vis, facis

cis in cœlo, & in terra, in mari, & in omnibus abyssis.

7. In nobis igitur fiat voluntas tua, super quibus invocatum est nomen tuum: ne pereat hoc nobile plasma tuum, quod creâsti propter honorem tuum. Et quis est homo natus de muliere, qui vivat, & non videat mortem, & eripiat animam suam de manu inferni? nisi tu solus eripias, vita vitalis omnis vitæ, per quem omnia vivunt.

C A P U T X X V .

*Quod voluntas humana inefficax
sit ad bona opera sine divina
gratia.*

1. **E**TENIM jam jam tibi confessus sum, laus vitæ meæ, Domine DEUS meus, virtus salutis meæ. Sperabam aliquando in virtute mea, quæ tamen non erat virtus. Et cum sic volui currere, ubi magis stare credebam, ibi magis cecidi, factusque

que sum magis retro, & non antè :
 & quod credebam consequi, magis
 elongatum est à me. Sic per multa
 similia vires meas probas.

2. Cognosco nunc , quia illuminasti me ; quoniam quod magis credidi posse per me , minùs semper potui. Dicebam enim , hoc faciam , illud perficiam : nec hoc , nec illud faciebam. Aderat voluntas , non erat facultas : aderat facultas , non aderat voluntas : quoniam de meis viribus confidebam.

3. Nunc autem confitebor tibi , Domine DEUS meus , Pater cœli , & terræ , quia non fortitudine sua roborabitur vir , ut glorietur ante te stulta præsumptio omnis carnis. Non enim est hominis , velle quod possit : aut posse , quod velit , vel scire , quod velit , & possit : sed potius à te gressus hominis diriguntur , illorum (inquam) qui non à se , sed à te dirigi se confitentur.

4. Obscuramus itaque per viscera misericordiæ tuæ , ut velis Domine salvare , quod creâsti : quoniam si vis, potes nos salvare : & in tua voluntate virtus est nostræ salutis.

C A P U T X X V I .

De antiquis beneficiis DEI.

1. R Ecordare misericordiæ tuæ antiquæ , qua nos à principio in benedictionibus tuæ dulcedinis prævenisti. Antequam enim nascerer ego filius ancillæ tuæ Domine , spes mea ab uberibus matris meæ , tu prævenisti: præparans mihi semi-
tas , quibus incederem , & venirem ad gloriam domûs tuæ .

2. Priusquam me formares in ute-
ro , novisti me , & antequam exirem
de vulva , quidquid tibi placuit,
præordinâsti de me. Quæ , & qua-
lia sunt in libro tuo scripta de me in
secreto consistorii tui , ego quidem
ignoro ; unde & valdè timeo.

3. Tu

3. Tu verò nōsti, quoniam quod ego per successus dierum, & temporum hinc ad mille annos hujus temporalitatis exspecto; in conspectu æternitatis tuæ jam factum est, & quod futurum est, jam factum est.

4. Ego autem quia sto in hac nocte tenebrosa, hæc ignorans; timor, & tremor venerunt super me, dum video mihi undique imminere multa pericula: à multis quoque hostibus venari: multitudinéque innumerarum misericordiarum in hac vita me circumdari. Et nisi in his tantis malis adforet mihi tuum adminiculum, desperarem.

5. Sed spes mihi magna subest de te, mitissime Princeps, DEUS meus! & consideratio multitudinis miserationum tuarum, quæ apud te sunt, sublevat mentem meam.

6. Et præcedentia signa misericordiæ tuæ, quæ me, antequam nascerer, prævenerunt, & nunc specia-
liter

liter in me effuderunt, de futuris benignitatis tuæ melioribus, & perfectioribus muneribus, quæ amicis tuis reservas, spem meam admonent; ut in te lætetur, Domine Deus meus, lætitia sancta, & viva, quam semper lætificas juventutem meam.

CAPUT XXVII.

De Angelis deputatis ad custodiam hominum.

1. **D**ilexisti enim me, unice amor meus, antequam diligerem te: & ad imaginem tuam creasti me: omnibus creaturis præposuisti me. Quam dignitatem nunc quidem servo, cum noverim te, propter quem fecisti me.

2. Insuper facis Angelos tuos spiritus propter me: quibus mandasti, ut custodiant me in omnibus viis meis; ne forte offendam ad lapidem pedem meum. Hi enim sunt custodes super muros civitatis tuæ

novæ Hierusalem , & montes in circuitu ejus : vigilantes , & custodientes vigilias noctis super gregem tuum ; ne quando rapiat ut leo animas nostras , dum non esset , qui eriperet , ille antiquus serpens , adversarius noster diabolus , qui quasi leo rugiens semper circuit quærens , quem devoret .

3. Hi sunt cives beatæ civitatis supernæ Hierusalem , quæ sursum est mater nostra , in ministerium missi propter eos , qui hæreditatem capiunt salutis , ut eos liberent ab inimicis suis : & custodiant in omnibus viis suis , confortent quoque , & moneant : & orationes filiorum tuorum offerant in conspectu gloriæ majestatis tuæ .

4. Diligunt nempe concives suos , per quos suæ ruinæ scissuras restaurari expectant . Ideoque magnâ curâ , & vigilanti studio adsunt nobis ; omnibus horis , & locis succurrentes ,

tes, & providentes necessitatibus nostris, & solliciti discurrentes inter nos, & te Domine, gemitus nostros, atque suspiria referentes ad te: ut impetrant nobis facilem tuæ benignitatis propitiationem, & referant ad nos desideratam tuæ gratiæ benedictionem.

5. Ambulant enim nobiscum in omnibus viis nostris: intrant, & exiunt nobiscum: attente considerantes quam piè, quam honestè in medio pravæ nationis conversemur, quantoque studiô, & desideriô queramus regnum tuum, & justitiam ejus, quantoque timore, & tremore serviamus, & exultemus tibi in lætitia cordis nostri.

6. Adjuvant laborantes, & protegunt quiescentes, hortantur pugnantes, coronant vincentes: congaudent gaudentibus, de te (inquam) gaudentibus, compatiuntur patientibus, pro te (inquam) patientibus.

7. Grandis est eis cura de nobis, magnus est affectus dilectionis eorum erga nos: & hoc totum propter honorem tuæ inæstimabilis charitatis, quâ dilexisti nos. Diligunt enim, quos tu diligis, custodiunt, quos tu custodis: & deserunt, quos tu deseris; nec diligunt operantes iniquitatem, quoniam & tu odiisti omnes operantes iniquitatem, & perdes omnes, qui loquuntur mendacium.

8. Quoties bene agimus, gaudent Angeli, & tristantur dæmones. Quoties à bono deviamus, diabolum lætificamus, & Angelos tuos suo gaudio defraudamus. Gaudium est enim eis super uno peccatore pœnitentiam agente; sed diabolo, super uno justo pœnitentiam deferente.

9. Da igitur, da, Pater, eis semper gaudere de bonis, ut & tu semper per eos lauderis in nobis; & nos cum eis in unum ovile tuum adducamur, ut confiteamur simul nomini

ni sancto tuo, creator hominum, & Angelorum.

10. Hæc ipse commemorans, coram te confiteor, laudans te, quoniam beneficia tua magna sunt hæc, quibus nos honorificasti, dans nobis Angelos tuos spiritus in ministerium nostrum. Dederas enim quidquid cœli ambitu continetur, & quasi parva reputas hæc, quæ sub cœlo sunt, nisi dares etiam ea, quæ sunt super cœlos.

11. Laudent te Domine, de hoc omnes Angeli tui: confiteantur tibi de hoc omnia opera tua, & ipsi Sancti tui tibi benedicant. O honorificentia nostra, nos nimis honorificans: ditans, multis muneribus decorasti! Admirabile est enim nomen tuum, Domine, in universa terra.

12. Quid est enim homo, quia magnificas eum, aut quid apponis erga eum cor tuum? Dixisti enim veritas antiqua: Deliciæ meæ sunt

cum filiis hominum. Nónne ho-
mo putredo, & filius hominis ver-
mis? Nónne universa vanitas omnis
homo vivens? Et dignum ducis su-
per hujuscmodi aperire oculos tuos,
& adducere eum tecum in judicium.

C A P U T XXVIII.

*De profunda prædestinatione, &
præscientia DEI.*

1. **D**Oce me abyssus profundissi-
ma, creatrix sapientia, quæ
librâsti in pondere montes, & col-
les, in statera molem terræ tribus
digitis appendisti. Suspende molem
corporalitatis hujus, quam gero,
tribus invisis digitis tuis ad te, ut
videam, & cognoscam, quam ad-
mirabilis es in universa terra.

2. Lux antiquissima, quæ luce-
bas ante omnem lucem, in monti-
bus sanctis æternitatis antiquæ: cui
nuda, & aperta erant omnia, ante-
quam fierent: Lux, quæ odio ha-
bes

des omnem maculam, utpote mundissima, & immaculatissima, quæ tibi deliciæ cum homine? quæ conventio lucis ad tenebras? Ubi enim sunt in homine deliciæ tuæ? Ubi præparasti tibi in me dignum sanctuarium majestatis tuæ, ad quod introiens habeas delicias delectationis tuæ? Mundum enim cænaculum decet te mundans virtus, quæ non nisi à mundis cordibus videri potes, multò magis nec haberi.

3. In homine autem, ubi est tempulum tam mundum, ut te suscipiat, qui regis mundum? Quis potest facere mundum de immundo conceptum semine? Nónne tu, qui solus es mundus? Ab immundo enim quis mundabitur? Nam & secundum legem, quam dedisti Patribus nostris in igne comburente montem, & in nube tegente aquam tenebrifam: quidquid tetigerit immundus, immundum erit.

4. Omnes autem nos quasi panus menstruatæ, de massa corrupta, & immunda venientes, maculam immunditiae nostræ, quam celare, præsertim tibi, qui omnia vides, non possumus, in frontibus portamus. Quare mundi esse non possumus: nisi tu mundaveris, qui solus es mundus. Mundas autem de nobis filiis hominum, eos, in quibus tibi complacuit habitare, quos ab inaccessilibus profundis secretis judiciorum incomprehensibilium sapientiae tuæ semper justorum, licet occultorum, sine eorum meritis prædestinâsti, ante mundum vocâsti de mundo, justificâsti in mundo, & magnificas eos post mundum. Non omnibus autem hoc facis, quod admirantur tabescentes omnes sapientes terræ.

5. Et ego Domine, hoc considerans expavesco, & obstupesco de altitudine divitarum sapientiae, & sci-

scientiæ tuæ ; ad quam ego non pertingo : & incomprehensibilia judicia justitiæ tuæ , quoniam ex eodem luto , alia quidem facis vasa in honorem , alia verò in contumeliam semperiternam.

6. Quos igitur tibi elegisti de multis in templum sanctum tuum , ipfos mundas , effundens super eos aquam mundam , quorum nomina , numerūmque tu nōsti: qui solus numeras multitudinem stellarum , & omnibus eis nomina donas , qui etiam scripti sunt in libro vitæ : qui nequaquam perire possunt : quibus omnia cooperantur in bonum , etiam ipsa peccata. Cùm enim cadunt , non colliduntur , quia tu supponis minum tuam: custodiens omnia offa eorum , ut unum ex eis non conteratur.

7. Attamen mors peccatorum peñsima ; illorum (inquam) quos antequam faceres cœlum , & terram ,

secundum abyssum multam judiciorum tuorum occultorum, semper autem justorum, præscivisti ad mortem æternam, quorum dinumeratio nominum, & meritorum pravorum apud te est; qui numerum arenæ maris dinumerasti, & dimensus es profundum abyssi, quos reliquisti in immunditiis suis, quibus omnia cooperantur in malum, & ipsa etiam oratio vertitur in peccatum: ut si etiam usque ad cœlos ascenderint, & caput eorum nubes tetigerit, & intersydera cœli collocaverint nidum suum, quasi sterquilinum in fine perdentur.

C A P - U T X X I X .

*De illis, qui prius sunt justi, &
postea impii efficiuntur, &
è converso.*

I. **M**agna sunt hæc judicia tua, Domine DEUS, Judex iuste, & fortis; qui judicas æquitatem, & inscrutabilia facis, & profun-

funda: quæ cùm considero, contremiscunt omnia ossa mea.

2. Quoniam non securatur homo vivens super terram, ut serviamus tibi piè, & castè cunctis diebus vita nostræ in timore, & exultemus tibi cum tremore: ut non sit servitium sinè timore: neque gaudium sinè tremore: & non glorietur accinctus, æquè ut discinctus: neque glorietur ante te omnis caro, sed pavescat, & contremiscat à facie tua: cum ignoret homo, utrum amore, an odio dignus sit, sed in futurum omnia reservantur incerta.

3. Vidimus enim multos Domine, & audivimus à patribus nostris (quod utique sinè magno tremore non recolo, sinè multo timore non confiteor) ascendisse primitus quodammodo usque ad cœlos, & inter sydera nidum suum collocâsse, postmodum altè cecidisse usque ad abyssos, & animas eorum in malis obstu-

puisse. Vidimus stellas de cœlo ce-
cidisse ab impetu ferientis caudæ dra-
conis. Et eos , qui jacebant in pul-
vere terræ ; à facie sublevantis ma-
nus tuæ , Domine mirabiliter ascen-
disse.

4. Vidimus vivos morientes , &
mortuos à morte surgentes : & eos,
qui inter filios DEI ambulabant in
medio lapidum ignitorum , quasi lu-
tum ad nihilum defluxisse. Vidi-
mus lucem obtenebrâsse , & de tene-
bris lucem processisse , quia publica-
ni , & meretrices præcedunt incolas
in regno cœlorum , filii autem regni
ejiciuntur in tenebras exteriores.

5. Quare autem ista omnia , nisi
quia in montem illum ascenderunt,
in quem primus ascendit Angelus ,
& descendit diabolus ? Quos autem
prædestinâsti , ipsos & vocâsti , &
sanctificâsti , & mundâsti , ut dignum
habitaculum sint tuæ majestatis : cum
quibus , & in quibus sunt tibi deli-
ciæ

ciæ sanctæ , & mundæ , in quibus tu delectaris , & latificas juventutem eorum , habitans cum eis in memoria eorum , ut ipsi templum sanctum tuum sint , quod magnæ dignitatis , & commendatio est humanitatis nostræ.

C A P U T XXX.

*Quòd anima fidelis sit sanctuarium
D E I.*

1. **A**NIMA enim , quam creâsti , non de te , sed per verbum tuum , non ex qualibet elementorum materia , sed ex nihilo ; quæ quidem rationalis , intellectualis , spiritualis , semper vivens , semper in motu ; (quam signâsti lumine vultus tui , & consecrâsti virtute lavaci tui) itâ facta est capax maiestatis tuæ ; quòd à te solo , & à nullo alio possit impleri .

2. Quando autem te habet , plenum est desiderium ejus , & jam ni-

hil aliud, quod desideretur, exteriūs restat. Dum autem aliquid exteriūs desiderat, manifestum est, quod te non habet interius; quō habitō, nihil est, quod ultra desideret.

3. Cūm enim sis summum, & omne bonum, non habet, quod desideret amplius, sed possidet te omne bonum. Quod si non desiderat omne bonum, restat, ut desideret aliquid, quod non est omne bonum, ergo nec summum bonum: ergo nec DEUM, sed potiūs creaturam.

4. Cum autem creaturam desiderat, continuam famem habet: quia licet, quod desiderat de creaturis, adipiscatur, vacua tamen remanet: quia nihil est, quod eam impletat, nisi tu, ad cuius imaginem est creata. Imples autem tu eos, qui nihil aliud desiderant præter te, & facis eos dignos te, sanctos, beatos, immaculatos, & amicos DEI: qui omnia reputant, ut stercora, ut lucrifaciant te solum. 5. Hæc

5. Hæc est enim beatitudo , quam homini contulisti. Hic est honor , quô eum inter omnes creaturas , & super omnes honorificâsti , ut sit admirabile nomen tuum in universa terra. Ecce Domine DEUS meus , summe , optime , omnipotentissime , inveni locum , ubi tu habitas : quia in anima , quam creâsti ad imaginem , & similitudinem tuam , quæ te solum quærit , & desiderat : quia non in illa , quæ te non quærit , nec desiderat.

C A P U T XXXI.

*Quòd neque per sensus exteriores ,
neque interiores inveniri potest DEUS.*

I. **E**go erravi sicut ovis , quæ prierat , quærrens te exterius , qui es interius. En multum laboravi quærrens te extra me : & tu habitas in me , si tamen ego desiderem te. Circuivi vicos , & plateas civitatis

tatis hujus mundi, quærens te, & non inveni: quia male quærebam foris, quod erat intus.

2. Misí nuncios meos, omnes sensus exteriores, ut quærerem te, & non inveni; quia male quærebam. Video enim, lux mea DEUS, qui illuminâsti me, quia male te per illos quærebam: quia tu es intus: & tamen ipsi, ubi intraveris, nesciverrunt.

3. Nam oculi dicunt, si coloratus non fuit, per nos non intravit. Aures dicunt, si sonitum non fecit, per nos non transivit. Nasus dicit, si non oluit, per me non venit. Guttus dicit, si non sapit, per me non introivit. Tactus etiam addit, si corpulentus non est, nihil me de hac re interroges. Non ista igitur sunt in te, DEUS meus.

4. Non enim speciem corporis, non decus temporis, non candorem lucis, non colorem, non dulcium me-

melodiarum cantus, & quæcumque dulce sonantia: non florum, & unguentorum, vel aromatum odores: non mella, vel manna gustui deletabilia: non cætera ad tangendum, vel amplexandum amabilia: nec omnia alia sensibus his subiecta quæro, cùm DEUM meum quæro. Absit, ut ista crediderim DEUM meum, quæ etiam à brutalium sensibus comprehenduntur.

5. Et tamen cùm DEUM meum quæro, quæro nihilominus quandam lucem super omnem lucem, quam non capit oculus: quandam vocem super omnem vocem, quam non capit auris: quandam odorem super omnem odorem, quem non capit naris: quandam dulcorem super omnem dulcorem, quem non capit gustus: quandam amplexum super omnem amplexum, quem non capit tactus.

6. Ista lux quidem fulget, ubi locus non capit: ista vox sonat, ubi spiritus non rapit: odor iste redolet, ubi flatus non spargit: sapor iste sapit, ubi non est edacitas: amplexus iste tangitur, ubi non divellitur. Hic est DEUS meus, & non æstimabitur aliis ad illum. Hoc quæro, cùm DEUM meum quæro. Istud amo, cùm DEUM meum amo.

7. Serò te amavi, pulchritudo tam antiqua, & tam nova: serò te amavi: & tu intus eras, & ego foris: & ibi te quærebam, & in ista formosa, quæ fecisti, ego deformis irruiebam. Mecum eras, & tecum non eram. Et me tenebant longè à te, quæ esse non poterant, nisi in te. Circuibam enim omnia quærens te, & propter omnia derelinquens me.

8. Interrogavi terram, si esset DEUS meus: & dixit mihi, quòd non; & omnia, quæ in ea sunt, hoc idem

idem confessa sunt. Interrogavi mare, & abyssos, & reptilia, quæ in eis sunt, & responderunt: Non sumus DEUS tuus: quære super nos eum. Interrogavi flabilem aërem, & inquit universus aér cum omnibus incolis suis: Fallitur Anaximenes: non sum ego DEUS tuus. Interrogavi cælum, Solem, Lunam, & stellas; neque nos sumus DEUS tuus, inquiunt.

9. Et dixi omnibus his, qui circumstant fores carnis meæ: Dicistis mihi de DEO meo, quod vos non estis: dicite mihi aliquid de illo. Et clamaverunt omnes voce grandi: Ipse fecit nos. Interrogavi deinde mundi molem: Dic mihi, si es DEUS meus, an non? Et respondit voce forti: Non sum (inquit) ego, sed per ipsum sum ego; quem quærvis in me, ipse fecit me: supra me quære eum, qui regit me, qui fecit me.

10. Interrogatio creaturarum, profunda est consideratio ipsarum; responsio earum, attestatio ipsarum de DEO, quoniam omnia clamant: DEUS nos fecit. Quoniam, ut ait Apostolus: Invisibilia DEI per ea, quæ facta sunt, à creatura mundi intellecta conspicuntur.

11. Et redii ad me, & intravi in me, & ajo ad me: Tu quis es? Et respondi mihi: Homo rationalis, & mortalis. Et incepi discutere, quid hoc esset; & dixi: Unde hoc tale animal, Domine DEUS meus? unde nisi abs te? Tu fecisti me, & non ego ipse me. Quis tu? Tu, per quem vivo ego. Tu, per quem vivunt omnia. Quis tu? Tu, Domine DEUS meus, verus, & solus omnipotens, & æternus, & incomprehensibilis, & immensus.

12. Qui semper vivis, & nihil moritur in te: immortalis enim es, habitans æternitatem: mirabilis ocu-
lis

lis Angelorum, inenarrabilis, inper-
scrutabilis, & innominabilis, DEUS
vivus, & verus, terribilis, & for-
tis, nesciens principium, neque fi-
nem, principium omnium, atque
finis: qui es ante primordia sæculo-
rum, & ante omnes sæculorum ori-
gines.

13. Tu es DEUS meus, & Do-
minus omnium, quæ creâsti; &
apud te omnium stabilium stant cau-
fæ: & omnium mirabilium apud te
immutabiles manent origines: &
omnium rationabilium, & irrationa-
bilium, atque temporalium sempit-
ernæ vivunt rationes.

14. Dic mihi supplici servo tuo,
DEUS meus, dic misericors misero
tuo, dic quæso per miserations
tuas. Unde hoc tale animal, nisi
abs te? An, quispiam sese faciendi
erit artifex? An aliunde, quam à te
traditur esse, & vivere? Nonne tu
es summum esse, à quo est omne
esse?

esse? Quidquid enim est, à te est, quia sine te nihil est. Nonne tu es fons vitæ, à quo fluit omnis vita? Quidquid enim vivit, per te vivit, quia sine te nihil vivit. Tu ergo Domine, fecisti omnia.

15. Num quæram, quis fecit me? Tu Domine, fecisti me, sine quo factum est nihil. Tu factor mei. Ego opus tuum. Gratias tibi ago, Domine DEUS meus, per quem vivo ego, & per quem omnia vivunt, quoniam fecisti me. Gratias tibi, plasmator mei, quia manus tuæ fecerunt me, & plasmaverunt me. Gratias tibi, lux mea, quoniam illuminasti me, & inveni te, & me. Ubi inveni me, ibi cognovi me: ubi inveni te, ibi cognovi te: ubi autem cognovi te, ibi illuminasti me. Gratias tibi: lux mea, quoniam illuminasti me.

16. Quid est, quod dixi, cognovi te? Nonne tu es DEUS incom-
pre-

prehensibilis , & immensus ? Rex Regum , & Dominus Dominantium ? qui solus habes immortalitatem , & lucem habitas inaccessibilem : quam nullus hominum vidit , sed nec videre potest . Nonne tu es DEUS absconditus , & imperscrutabilis maiestatis , solus tui ipsius cognitor , & mirabilis contemplator ?

17. Quis ergo cognovit , quod nunquam vidit ? Dixisti enim in veritate tua : Non videbit me homo , & vivet . Dixit & præco tuus per veritatem tuam : DEUM nemo vidit unquam . Quis ergo cognovit , quod nunquam vidit ? Dixit etiam veritas tua : Nemo novit filium , nisi Pater : neque Patrem quis novit , nisi Filius . Sola Trinitas tua soli sibi integrè nota est , quæ exsuperat omnem sensum .

18. Quid est ergo , quod dixi , homo vanitati similis , quia cognovite ? Quis enim cognovit te , nisi tu te ? Tu quip-

quippe solus DEUS omnipotens, superlaudabilis, & supergloriosus, & superexaltatus, & altissimus, & superessentialis, in sanctissimis, & divinissimis eloquiis nominaris. Quoniam super omnem essentiam intelligibilem, sive intellectualem, atque sensibilem, & super omne nomen, quod nominatur, non solum in hoc saeculo, sed etiam in futuro, superessentialiter, & superintelligibiliter esse dignosceris.

19. Quoniam superessentiali, & occulta divinitate; super omnem rationem, intellectum, & essentiam, inaccessibleiter, & imperscrutabiliter habitas in te ipso: ubi lux inaccessible, & lumen imperscrutabile, & incomprehensibile, & inenarrabile, ad quod non attingit aliquod lumen. Quoniam incontemplabile, & invisible, superrationale, & superintelligibile, & superinaccessible, & superincommutable, & superincom-

muni-

municabile creditur. Quod nullus unquam Angelorum, vel hominum vidit, sed nec videre potest. Hoc est cœlum tuum Domine, cœlum celans, superarcanum, superintelligibile, superrationale, & superefficiente lumen, de quo dicitur: Cœlum cœli Domino.

20. Cœlum cœli, cui terra est omne cœlum, quia supermirabiliter exaltatum est super omne cœlum. Ad quod etiam terra est ipsum cœlum empyreum. Hoc enim est cœlum cœli Domino: quia nulli notum, nisi Domino. Ad quod nemo ascendit, nisi qui de cœlo descendit. Quia nemo novit Patrem, nisi Filius, & eorum Spiritus. Et nemo novit Filium, nisi Pater, & eorum Spiritus.

21. Soli quidem tibi Trinitas integrè nota est. Trinitas sancta, Trinitas supermirabilis, & superinenarrabilis, & superinscrutabilis, & su-

perinaccessibilis, superincomprehensibilis, superintelligibilis, superessentialis, superessentialiter exsuperans omnem sensum, omnem rationem, omnem intellectum, omnem intelligentiam, omnem essentiam supercælestium animorum: quam neque dicere, neque cogitare, neque intelligere, neque cognoscere possibile est, etiam oculis Angelorum.

22. Unde ergo cognovite, Domine DEUS altissime super omnem terram, super omne cœlum? quem neque Cherubim perfectè cognoscunt, neque Seraphim: sed alis contemplationum suarum velatur facies sedentis super solium excelsum, & elevatum, clamantes, & dicentes: Sanctus, Sanctus, Sanctus, Dominus DEUS exercituum; plena est omnis terra gloria tua.

23. Expavit Propheta, & dixit: Væ mihi, quia tacui; quia vir pollutus labiis ego sum. Et expavit cor

cor meum, & dixi: Væ mihi, quia non tacui; quia vir pollutus labiis ego sum: sed dixi cognovi te. Verumtamen, Domine, vae tacentibus de te: quoniam loquaces, muti fiunt sine te. Et ego, Domine Deus meus, non tacebo, quoniam fecisti me, & illuminasti me: & invenisti me, & cognovi te, quoniam illuminasti me.

24. Sed qualiter cognovi te? Cognovi te in te. Cognovi te, non sicut tibi es: sed cognovi te, sicut mihi es, & non sine te, sed in te: quia tu es lux, quæ illuminasti me. Sicut enim tibi es, soli tibi cognitus es: sicut mihi es secundum gratiam tuam, & mihi cognitus es. Sed quid mihi es? Dic mihi misericors famulo tuo misero: dic mihi per miserationes tuas: quid mihi es? Dic animæ meæ. Salus tua ego sum: noli abscondere à me faciem tuam, ne moriar.

25. Sinè me loqui apud misericordiam tuam, me terram, & cinerem. sinè me loqui apud misericordiam tuam, quoniam misericordia tua magna est super me: loquar enim ad DEUM meum, cùm sim pulvis, & cinis. Dic mihi supplici tuo, dic mihi misericors misero tuo, per miserationes tuas, quid mihi es? Et intonâsti desuper voce grandi in interiore aurem cordis mei, & rupisti surditatem meam, & audivi vocem tuam: & illuminâsti cæcitatem meam, & vidi lucem tuam: & cognovi, quoniam DEUS meus es tu. Propterea dixi, quod cognovi te.

26. Cognovi enim te, quoniam DEUS meus es tu. Cognovi te solum verum DEUM, & quem misisti JESUM Christum. Erat tempus, quando non cognoscebam te. Væ tempori illi, quando non cognoscebam te. Væ cætitati illi, quando non

non videbam te. Væ surditati illi,
quando non audiebam te.

27. Cæcus, & surdus per formo-
sa, quæ fecisti, deformis irrulebam.
Et mecum eras, & tecum non eram,
& ea me tenebant longè à te, quæ
non essent, nisi essent in te. Illu-
minâsti me, lux mundi, & vidi te,
& amavi te. Nemo quippe amat,
nisi qui te videt: & nemo te videt,
nisi qui te amat. Serò te amavi
pulchritudo tam antiqua, & tam no-
va, serò te amavi. Væ tempori illi,
quando non te amavi.

CAPUT XXXII.

Confessio veræ fidei.

I. **G**ratias tibi ago, lux mea,
qui illuminâsti me, & co-
gnovi te. Qualiter cognovi te?
Cognovi te solum DEUM vivum, &
verum creatorem meum: cognovi
te, creatorem cœli, & terræ, visibi-
lium omnium, & invisibilium.

DEUM verum omnipotentem, immortalem, & invisibilem, incircumscribibilem, interminabilem, æternum, innaccessibilem, incomprehensibilem, imperscrutabilem, incommutabilem, immensum, infinitum, principium omnium visibilium, & invisibilium creaturarum, per quem omnia facta sunt, per quem cuncta subsistunt elementa. Cujus maiestas sicut principium nunquam habuit, sic nec definet in æternum.

2. Cognovite unum solum verum DEUM æternum, Patrem, & Filium, & Spiritum sanctum : tres quidem personas, sed unam essentiam, omnino simplicem, indivisamque naturam: & Patrem à nullo, Filium à Patre solo, Spiritum pariter ab utroque; absque initio, semper; & sine fine DEUM trinum, & unum solum, & verum DEUM omnipotentem : unum universorum principium: creatorem omnium visibilium, & invisi-

sibilium, spiritualium, & temporali-
um: quia tua omnipotenti virtute,
simul ab initio temporis utramque
de nihilo condidisti creaturam, spi-
ritualem, & corporalem, Angelicam
videlicet, & mundanam, ac deinde
humanam, quasi communem, ex
corpore, & spiritu constitutam.

3. Cognovi te, & confiteor te
DEUM Patrem ingenitum, te Filium
à Patre genitum, & Spiritum san-
ctum paracletum, neque genitum,
neque ingenitum, sanctam, & indi-
viduam Trinitatem, in tribus co-
æqualibus personis consubstantiali-
bus, & coæternis: Trinitatem in
unitate, & unitatem in Trinitate,
corde credens ad justitiam, & ore con-
fitens ad salutem.

4. Cognovi te verum **DEUM**, &
Dominum nostrum **JESUM** Christum,
Filium **DEI** unigenitum, creatorem,
salvatorem, & redemptorem mei,
& totius humani generis, quem con-

fiteor ex Patre genitum ante sæcula:
DEUM de DEO , lumen de lumine ,
DEUM verum de DEO vero , non fa-
ctum sed genitum , consubstantialem ,
& coæternum Patri , & Spiritui san-
cto , per quem omnia facta sunt à
principio : firmiter credens , & vera-
citer confitens te DEUM unigenitum
JESUM Christum , propter salutem
hominum à tota Trinitate commu-
niter incarnatum , & ex Maria per-
petua Virgine Spiritus sancti coope-
ratione conceptum , verum hominem
factum , ex anima rationali , & hu-
mana carne subsistentem.

5. Qui cùm secundùm divinita-
tem unigenitus DEI impassibilis sis ,
pariter & immortalis : propter ni-
miam dilectionem tuam , quâ di-
lexisti nos , idem ipse DEI filius se-
cundùm humanitatem factus es passi-
bilis , & mortal is . Qui propter sa-
lutem humani generis , unice Fili
DEI , in ligno crucis pati dignatus es
passi-

passionem, & mortem, ut nos à morte liberares. Atque ad inferos ubi sedebant in tenebris patres nostri, auctor luminis descendisti: & die tertio gloriosus victor ab inferis ad superos resurrexisti: resumens sacram corpus, quod pro peccatis nostris mortuum jacuerat in sepulchro; & vivificans secundum scripturas die tertia, ut ipsum in Patris dextra collocares.

6. Assumpta namque tecum ex inferis captivitate, quam captivaverat antiquus hostis humani generis inimicus, verus DEI filius cum nostræ carnis substantia, id est, cum anima, & carne humana ex Virgine gloria assumpta, super omnes cœlos ascendisti, transcendens omnes ordines Angelorum: ubi sedes ad dexteram DEI Patris, ubi est fons vitæ, & lumen inaccessible, & pax DEI, quæ exsuperat omnem sensum.

7. Ibi te DEUM verum, & hominem JESUM Christum adoramus, & credimus, confitentes te Patrem habere DEUM, indéque te venturum Judicem in fine sæculi expectamus, ut judices vivos, & mortuos, & reddas omnibus bonis, & malis secundum opera sua, quæ operati sunt in hac vita, vel præmium, vel supplicium, prout unusquisque dignus fuerit requie, vel ærumna.

8. Resurgent enim in illa die à voce virtutis tuæ omnes homines, quotquot humanam animam accepérunt in carne sua, quam hic habuerunt: ut totus homo pro meritis vel gloriam suscipiat, vel gehennam. Tu es ipsa vita, & resurrectio nostra, quem salvatorem expectamus Dominum JESUM Christum, qui reformat corpus humilitatis nostræ, configuratum corpori claritatis suæ.

9. Cognovi te DEUM verum, & unum Spiritum sanctum Patris, &

Fi-

Filii ab utroque pariter procedentem consubstantialem, & coæternum Patri, & Filio, paracletum, & advocateum nostrum, qui super eundem DEUM, & Dominum nostrum JESUM Christum in columbæ specie descendisti, & super Apostolos in linguis igneis apparuisti. Qui & omnes sanctos, & electos DEI à principio tuæ gratiæ munere docuisti: & ora Prophetarum, ut enarrent mirabilia Regni DEI, aperuisti: qui ab omnibus Sanctis DEI cum Patre, & Filio simul adoraris, & glorificaris.

10. Inter quos & ego filius ancillæ tuæ: corde meo glorifico nomen tuum, quoniam illuminâsti me. Tu enim es vera lux, lumen veridicuum ignis DEI, & magister spirituum: qui unctione tua doces nos omnem veritatem. Spiritum veritatis; sinè quo impossibile est place-re DEO, quoniam tu ipse DEUS es ex DEO, & lux de luce procedens,

à Patre lumen ineffabiliter , & ab eis Filio Domino nostro JESU Christo : quibus consubstantialis , & coæqualis , & coæternus existens , in unius Trinitatis essentia , superessentialiter congloriaris , & conregnas.

II. Cognovi te unum DEUM vivum , & verum , Patrem , & Filium , & Spiritum sanctum , trinum quidem in personis , sed unum in essentia : quem confiteor , adoro , & glorifico toto corde meo , verum DEUM solum , sanctum , immortalem , invisibilem , incommutabilem , inaccessibilem , imperscrutabilem ; unum lumen , unum solem , unum panem , unam vitam , unum bonum , unum principium , unum finem , unum creatorem cœli , & terræ , per quem omnia vivunt , per quem omnia subsistunt , per quem omnia gubernantur , reguntur , & vivificantur , quæ in cœlis sunt , & quæ in terris , & quæ sub terra : præter quem non est Deus in cœlo , & in terra.

12. Sic cognovi te , Domine
 DEUS cognitor mei , sic cognovi te:
 Cognovi te per fidem tuam , quam
 inspirasti mihi , lux mea , lumen ocu-
 lorum meorum. Domine DEUS
 meus , spes omnium finium terræ ,
 gaudium lætificans juventutem meam,
 & bonum sustentans senectutem
 meam. In te enim Domine , jubil-
 lant omnia ossa mea , dicentia ; Do-
 mine , quis similis tibi? Quis simi-
 lis tibi in diis , Domine ? Non quem
 fecit manus hominum , sed qui feci-
 sti manus hominum. Simulacra gen-
 tium argentum , & aurum , opera
 manuum hominum : non sic operator
 hominum. Omnes dii gentium dæ-
 monia : Dominus autem cœlos fe-
 cit , Dominus ipse est DEUS, Dii ,
 qui non fecerunt cœlum , & terram ,
 pereant de cœlo , & de terra ; DEUM ,
 qui creavit cœlum , & terram , cœli ,
 & terra benedicant.

134 SOLILOQUIA
CAPUT XXXIII.

De confessione propriæ vilitatis.

1. **Q**uis similis tibi etiam in diis Domine? Quis similis tibi? Magnificus in sanctitate, terribilis, atque laudabilis: & faciens mirabilia? Serò te cognovi lumen verum, ferò te cognovi! Erat autem nubes magna, & tenebrosa ante oculos vanitatis meæ: ità ut videre non possem solem Justitiæ, & lumen veritatis. Involvebar in tenebris, filius tenebrarum tenebras meas amabam: quia lumen non cognoscebam. Cæcus eram, & cæcitatem amabam, & ad tenebras per tenebras ambulabam. Quis inde me eduxit, ubi eram homo cæcus, sedens in tenebris, & umbra mortis?

2. Quis accepit manum meam, ut inde me educeret? Quis est ille illuminator meus? Non eum quærebam, & ipse quæsivit me, non

vo-

vocabam eum , & ipse vocavit me.
Quis est ille? Tu es , Domine DEUS
 meus , misericors , & miserator , Pa-
 ter misericordiarum , & DEUS totius
 consolationis . Tu sancte Domine
DEUS meus , quem confiteor toto
 corde meo , gratias agens nomini
 tuo . Non te quarebam , tu me
 quæsivisti : non te invocabam , tu
 me vocasti.

3. Vocasti enim me nomine tuo.
 Intonasti desuper voce grandi in in-
 teriorem aurem cordis mei , fiat lux ,
 & facta est lux , & discessit nubes ma-
 gna , & liquefacta est nubes tenebro-
 sa , quæ operuerat oculos meos , &
 vidi lucem tuam , & cognovi vocem
 tuam , & dixi : Verè , Domine ; tu
 es DEUS meus , qui eduxisti me de
 tenebris , & umbra mortis : & vo-
 casti me in admirabile lumen tuum ,
 & ecce video .

4. Gratias tibi , illuminator meus.
 Et conversus sum , & vidi tenebras ,
 in

in quibus fueram: & abyssum tenebrosam, in qua jacueram: & contremui, & expavi; & dixi! Væ, væ, tenebris meis, in quibus jacui! Væ, væ, cæcitati illi, in qua vide-re non poteram lumen cœli! Væ, væ, præteritæ ignorantiae meæ, quando non cognoscebam te Domi-ne! Gratias tibi ago, illuminator, & liberator meus, quoniam illuminâsti me, & cognovi te. Serò co-gnovi te, veritas antiqua, serò te cognovi, veritas æterna! Tu eras in lumine, & ego in tenebris, & non cognoscebam te, quia illuminari non poteram sínè te, & non est lux extra te.

C A P U T XXXIV.

Consideratio divinæ majestatis.

I. **S**ancte Sanctorum, Deus in-
æstimabilis majestatis, Deus
deorum, & Dominus dominorum
mirabilis, inenarrabilis, inexcogita-
bilis:

bilis: quem contremiscunt in cœlo angelicæ Potestates: quem adorant omnes Dominationes, & Throni, & omnes Virtutes pavent à conspectu tuo: cuius potentia, & sapientia non est numerus, qui fundasti mundum super nihilum, & mare colligasti in aëre quasi in utre, omnipotentissime, sanctissime, fortissime DEUS spirituum universæ carnis, à cuius conspectu fugit cœlum, & terra; ad cuius nutum omnia se subjiciunt elementa, ut te adorent, & glorificant omnes creaturæ tuæ.

2. Et ego filius ancillæ tuæ, per fidem tuam flesto cervicem cordis mei, sub pedibus Majestatis tuæ, gratias agens; quoniam dignatus es per tuam misericordiam illuminare me. Lumen verum, lumen sanctum, lumen delectabile, lumen superlaudabile, lumen admirabile, quod illuminat omnem hominem venientem in hunc mundum, & etiam oculos Angelorum. Ecce

video, gratias ago: Ecce video lumen cœli, interlucet oculis mentis meæ radius desuper; à facie luminis tui, & lætificat ossa mea: O si perficeretur in me! Auge, quæso, luminis auctor, auge, quæso, quod interlucet in me. Dilatetur, obsecro, dilatetur ex te.


3. Quid est hoc, quod sentio? Quis est ignis, qui calefacit cor meum? Quæ est lux, quæ irradiat mentem meam? O ignis, qui semper ardes, & nunquam extingueris, accende me! O lux, quæ semper luces, & nunquam obfuscari, illumina me! O utinam arderem ex te! Ignis sancte, quam dulciter ardes, quam secretè luces, quam desideranter aduris! Væ iis, qui non ardenter ex te. Væ illis, qui non illuminantur ex te. O lumen veridicum, illuminans omnem mundum, cuius lux implet mundum.

4. Væ cæcis oculis , qui te non
vident , sol illuminans cœlum , &
terram. Væ caligantibus oculis ,
qui te videre non possunt. Væ aver-
tentibus oculis , ut non videant ve-
ritatem. Væ non avertentibus , ut
non videant vanitatem : nequeunt
enim oculi assueti tenebris summæ
veritatis radios intueri , nec sciunt
de lumine aliquid æstimare , quorum
est in tenebris habitatio. Tenebras
vident , tenebras diligunt , tenebras
approbant: de tenebris eentes in te-
nebras , nesciunt , ubi corruant. Mi-
seri , qui nesciunt , quid amittant : &
miseriores utique , qui sciunt , quid
amittant : qui cadunt apertis oculis ,
& descendunt in infernum viventes.

5. O lux beatissima: quæ non nisi
à purgatissimis oculis videri potes.
Beati mundo corde , quoniam ipsi
DEUM videbunt. Munda me , mun-
dans virtus: sana oculos meos , ut
sanis oculis te contempler , quem
non-

non nisi sani oculi intuentur. Aufe-
quæso squammas caliginis antiquæ
radiô tuæ illuminationis splendor in-
accessibilis, ut te videre valeam ir-
reverberatis obtutibus, & in lumi-
ne tuo videam lumen.

6. Gratias tibi ago, lux mea. Ec-
ce video. Dilatetur obsecro visus
meus, Domine, ex te. Revela
oculos meos, ut considerem mira-
bilia de lege tua: qui es mirabilis in
Sanctis tuis. Gratias tibi ago, lu-
men meum. Ecce video, sed per
speculum in ænigmate. Sed quando
facie ad faciem? Quando veniet dies
lætitiæ, & exultationis, in qua in-
grediar in locum tabernaculi admira-
bilis usque ad Domum DEI: ut vi-
deam videntem me facie ad faciem,
& satietur desiderium meum?



CAPUT XXXV.

*De desiderio, & siti animæ ad
DEUM.*

IUemadmodum desiderat cervus ad fontes aquarum, ita desiderat anima mea ad te, DEUS. Siti vit anima ad te DEUM fontem vivum, quando veniam, & apparebo ante faciem tuam? O fons vitæ! vena aquarum viventium, quando veniam ad aquas dulcedinis tuæ de terra deferta, invia, & inaquosa, ut videam virtutem tuam, & gloriam tuam, & satiem ex aquis misericordiæ tuæ sicutim meam? Sitio, Domine, fons vitæ es: Satia me. Sitio, Domine, sitio te DEUM vivum. O quando veniam, & apparebo Domine ante faciem tuam? Putásne video diem illam, diem (inquam) jucunditatis, & lætitiae, diem, quam fecit Dominus, ut exultemus, & lætemur in ea?

2. O dies præclara, & pulchra,
nesciens vesperum, non habens oc-
casum: in qua audiam vocem laudis,
vocem exultationis, & confessionis:
in qua audiam: Intra in gaudium Do-
mini tui. Intra in gaudium semp-
ternum, in domum Domini DEI tui:
ubi sunt magna, & inscrutabilia, &
mirabilia, quorum non est numerus.
Intra in gaudium sine tristitia, quod
continet æternam lætitiam. Ubi
erit omne bonum, & non erit ali-
quod malum. Ubi erit, quidquid
voles, & non erit, quidquid noles.
Ubi erit vita vitalis, dulcis, & ama-
bilis; sempérque memorialis, ubi
non erit hostis impugnans, nec ulla
illecebra, sed summa, & certa secu-
ritas, secura tranquillitas, & tran-
quilla jucunditas, jucunda felicitas,
felix æternitas, æterna beatitudo,
& beata Trinitas, & Trinitatis uni-
tas, & unitatis deitas, & deitatis
beata visio: quæ est gaudium Domi-
ni DEI tui.

3. O gaudium super gaudium :
 gaudium vincens omne gaudium ,
 extra quod non est gaudium ! Quan-
 do intrabo in te , ut videam DEUM
 meum , qui habitat in te ? Ibo illuc ,
 & video visionem hanc grandem .
Quid est , quod me detinet ? Heu
me quia incolatus meus prolongatus
est ! Heu me quamdiu dicetur mihi ;
Ubi est DEUS tuus ? quamdiu dice-
tur mihi , expecta , expecta . Et
nunc quæ est expectatio mea ?

4. Nónne Domine DEUS , salva-
 torem expectamus Dominum no-
 strum JESUM Christum , qui refor-
 mabit corpus humilitatis nostræ , con-
 figuratum corpori claritatis suæ : Ex-
 pectamus Dominum , quando rever-
 tatur à nuptiis , ut inducat nos ad
 suas nuptias . Veni Domine , & no-
 li tardare . Veni Domine JESU Chri-
 ste , veni , & visita nos in pace . Ve-
 ni , & educ vincitos de carcere , ut
 lætemur coram te corde perfecto .

Ve-

Veni Salvator noster. Veni desideratus cunctis gentibus, ostende faciem tuam, & salvi erimus. Veni lux mea, redemptor meus, educ de carcere animam meam, ad confitendum nomini sancto tuo.

5. Quamdiu miser jaestabor in fluctibus mortalitatis meæ, clamans ad te, Domine, & non exaudis? Audi clamantem, Domine, de hoc mari magno, & adduc me ad portum felicitatis æternæ. Felices, qui de periculo maris hujus educti ad te DEUM, portum tutissimum, pervenire meruerunt. O verè felices, qui de pelago ad littus, de exilio ad patriam, de carcere ad palatium pervenerunt, optata jam quiete beati: qui bravium illud perpetuæ gloriæ, quod hic per multas tribulationes quæsièrunt, jam felici jucunditate adepti, lætantur in perpetuum.

6. O verè beati; O térque, quaterque beati, qui jam omnium malorum

lorum exuti : securi de sua immarcescibili gloria , ad te regnum decoris pervenire meruerunt. O æternum regnum , regnum omnium sæculo- rum : ubi lumen indeficiens , & pax DEI , quæ exsuperat omnem sensum: In quo Sanctorum animæ requiescunt , & lætitia sempiterna super capita eorum , gaudium , & exultationem obtinebunt , & fugiet dolor , & gemitus.

7. O quam gloriosum est regnum , in quo tecum Domine regnant omnes Sancti , amicti lumine sicut vestimento , habentes in capite suo coronam de lapide pretioso ! O regnum beatitudinis sempiternæ , ubi tu Domine , spes sanctorum , & diadema gloriæ , facie ad faciem videris à Sanctis , læticans eos undique in pace tua , quæ exsuperat omnem sensum.

8. Ibi gaudium infinitum , lætitia sine tristitia , salus sine dolore , via sine labore , lux sine tenebris , vita sine morte : omne bonum sine omni malo.

9. Ubi juventus nunquam fenescit, ubi vita terminum nescit, ubi decor nunquam pallescit, ubi amor nunquam tepescit, ubi sanitas nunquam marcescit, ubi gaudium nunquam decrescit, ubi dolor nunquam sentitur, ubi gemitus nunquam auditur, ubi triste nihil videtur, ubi lætitia semper habetur, ubi malum nullum timetur, quoniam ibi summum bonum possidetur, quod est videre semper faciem Domini virtutum.

10. Felices igitur, qui de naufraga vita præsenti ad tanta gaudia jam pervenire meruerunt. Infelices heu nos miseri, qui per hujus maris magni fluctus, procellosasque voragine navem trahimus ignorantes, an ad portum salutis pervenire valeamus.

11. Infelices, inquam, quorum vita est in exilio, via in periculo, finis in dubio, nescientes finem nostrum;

strum : quia omnia in futurum reservantur incerta. Adhuc in pelagi fluctibus versamur , suspirantes ad te portum maris. O patria nostra ! patria secura ! à longe te videmus , ab hoc mari te salutamus , ab hac valle ad te suspiramus , & nitimur cum lachrymis , si quô modô ad te perveniamus.

12. Spes humanî generis Christe , DEUS de DEO , refugium nostrum , & virtus , cuius lumen à longè inter caliginosas nebulas super maris procellas , quasi stellæ maris radius , oculos nostros irradiat , ut dirigamur ad te portum : Guberna Domine navem nostram tuâ dextrâ , clavô crucis tuæ , ne pereamus in fluctibus : ne nos demergat tempestas aquæ , ne absorbeat nos profundum , sed uncô crucis retrahere nos ab hoc pelago , ad te solamen unicum nostrum , quem à longè , quasi stellam matutinam , & Solem justi-

tiæ , vix lachrymantibus oculis in littore cœlestis patriæ nos expectantem videmus.

13. En ad te clamamus redempti tui : sed & nunc exules tui , quos pretioso sanguine redemisti. Exaudi nos , DEUS salutaris noster , spes omnium finium terræ , & in mari longe. In mari turbulentō versamur. Tu in littore stans , aspicis pericula nostra : salvos nos fac propter nomen tuum. Da nobis , Domine , inter scyllam , & charybdin ita tendere , & tenere medium , ut utroque periculo evitato , salva nave , & mercibus , securi perveniamus ad portum.

C A P U T XXXVI.

De gloria cœlestis Patriæ.

1. **C**Um ergo pervenerimus ad te sapientiæ fontem , ad te lumen indeficiens , ad te lucem inextinguibilem : ut te non jam per speculum

culum in ænigmate , sed facie ad faciem videamus ; tunc satiabitur in bonis desiderium nostrum : quia nihil erit exterius , quod desideretur , nisi tu Domine , summum bonum.

2. Qui eris præmium beatorum , & diadema decoris eorum , & lætitia sempiterna super capita eorum : pacificans eos intus , & extrâ in pace tua , quæ exsuperat omnem sensum. Ibi videbimus , amabimus , & laudabimus. Videbimus in lumine tuo lumen tuum : quoniam apud te est fons vitæ , & in lumine tuo videbimus lumen.

3. Quale autem lumen? lumen immensum , lumen incorporeum , incorruptibile , incomprehensibile : lumen indeficiens , lumen inextinguibile , lumen inaccessible , lumen increatum , lumen veridicum , lumen divinum : quod illuminat oculos Angelorum : quod lætificat juventutem Sanctorum : quod est lumen luminum , &

sōns vitæ, quod es tu, Domine DEUS
meus.

4. Tu es quippe lumen, in cuius
lumine videbimus lumen, te scilicet
in te, in splendore vultus tui, quan-
do te videbimus facie ad faciem.
Quid est videre facie ad faciem? nisi
quod ait Apostolus: Cognoscere sicut
& cognitus sum: cognoscere verita-
tem tuam: & gloriam tuam. Hoc
est cognoscere faciem tuam, cognos-
cere patris potentiam, Filii sapien-
tiam, Spiritus sancti clementiam,
ipsius summæ Trinitatis unam, & in-
dividuam essentiam.

5. Videre enim faciem DEI vivi,
hoc est summum bonum, gaudium
Angelorum, atque omnium Sancto-
rum, præmium vitæ æternæ, gloria
spirituum, lætitia sempiterna, corona
decoris, bravium felicitatis, requies
opulenta, pulchritudo pacis, inti-
mum, & externum gaudium, paradi-
sus DEI: Hierusalem cœlestis vita
bea-

beata: plenitudo beatitudinis: gaudium æternitatis: pax DEI, quæ exsuperat omnem sensum.

6. Hæc est plena beatitudo, & tota glorificatio hominis, videre faciem DEI sui: videre eum, qui fecit cœlum, & terram: videre eum, qui fecit eum, qui salvavit eum, & qui glorificavit eum. Videbit eum cognoscendo, amabit diligendo, laudabit possidendo. Ipse enim erit hereditas populi sui, populi Sanctorum, populi, quem redemit. Ipse possessio felicitatis eorum, ipse præmium, & merces expectationis. Ero, inquit, merces tua magna nimis, magnum enim magna decent.

7. Vere, Domine DEUS meus, magnus es tu nimis super omnes Deos, & merces tua magna nimis super omnes Deos. Neque enim magnus es tu, & parva merces tua: sed ut magnus es tu, ita magna merces tua: quoniam non aliud es tu, &

aliud merces tua. Sed tu ipse magnus
nimis: tu ipse merces magna nimis:
tu ipse coronator es, & corona: tu
ipse promissor es, & missio. Tu
remunerator, & munus: tu præmia-
tor, & præmium felicitatis æternæ.

8. Tu ergo coronator, & corona,
DEUS meus, & diadema spei meæ,
quæ ornata est gloriâ: lumen lætifi-
cans, lux renovans, decor adornans:
spes mea magna, desiderium cordis
Sanctorum, & desideratus eorum.
Visio ergo tua, tota merces est, totum
præmium, & totum gaudium, quod
expectamus. Hæc est enim vita æter-
na, hæc est (inquam) sapientia tua.
Hæc est vita æterna, ut cognoscamus
te solum verum DEUM, & quem mi-
sisti JESUM Christum.

9. Cùm igitur videbimus te solum
DEUM, DEUM verum, DEUM vivum,
omnipotentem, simplicem, invisibilem
incircumscribibilem, incom-
prehensibilem; & Filium tuum uni-
geni-

genitum, consubstantiale, & coæternum tibi Dominum nostrum JESUM Christum, quem pro salute nostra misisti in mundum in virtute Spiritus sancti, trinum in personis, & unum in essentia, DEUM sanctum solum, extra quem non est DEUS: tunc habebimus, quod nunc quærimus, vitam æternam, gloriam semipernam, quam præparasti diligenteribus te, quam abscondisti timenteribus te, quam daturus es quærentibus faciem tuam semper.

10. Et tu, Domine DEUS meus, formator meus ex utero matris meæ, quæ me recommendavit manui tuæ, non me permittas amplius ex uno distrahi in multa: sed collige me de exterioribus ad me, de me ad te, ut dicat tibi semper cor meum: Exquisivit te facies mea; faciem tuam, Domine, requiram, faciem Domini virtutum, in qua sola consistit tota gloria sempiterna beatorum: quam qui-

quidem videre, vita æterna est, & gloria sempiterna Sanctorum.

II. Lætetur ergo cor meum, ut timeat nomen tuum. Lætetur cor quærentium Dominum: sed multò magis cor invenientium. Si enim lætitia erit in quærendo, qualis lætitia erit in inveniendo? Quæram ergo semper ardenter, & indesinenter faciem tuam, si quando tandem aperiatur mihi ostium, & porta justitiæ, ut intrem in gaudium Domini mei. Hæc porta Domini: justi ingredieruntur per eam.

CAPUT XXXVII.

Oratio ad sanctam Trinitatem.

I. **O** Tres coæquales, & coæternæ personæ, DEUS unus, & verus, Pater, & Filius, & Spiritus sanctus: qui solus habitas æternitatem: & lucem inaccessibilem. Qui fundâsti terram in potentia tua, & regis orbem terræ prudentiâ tua.

San-

Sanctus, Sanctus, Sanctus, Dominus DEUS Sabaoth. Terribilis, & fortis, justus, & misericors, admirabilis, laudabilis, amabilis. Unus DEUS tres personæ: una essentia, potentia, sapientia, bonitas, una, & indivisa Trinitas. Aperi mihi clamanti portas justitiae, & ingressus in eas, confitebor tibi Domine.

2. En ad ostium tuum, summe Paterfamilias mendicus pulso. Ju-be aperiri pulsanti, qui dixisti: Pulsate, & aperietur. Pulsant enim ad ostium tuum, Pater misericordissime desideria rugientium præcordiorum meorum, & clamores lachrymarum oculorum meorum. Ante te est omne desiderium meum, & gemitus meus à te non est absconditus. Et tu Domine, non avertas faciem tuam amplius à me, nec declines in ira à servo tuo.

3. Pater misericordiarum, audi ejulatum pupilli tui, & porrige manum.

num tuam optimam adjutricem ; ut retrahat me de profundis aquarum , & de lacu miseriæ , & de luto fæcis , ne peream vidente misericordia oculorum tuorum , aspiciente clemencia viscerum tuorum , sed evadens ad te , Dominum DEUM meum , ut videam divitias regni tui , & intuear faciem tuam semper , & laudem dicam nomini tuo sancto . Domine , qui facis mirabilia ; qui cor meum lætum facis memoriâ tui ; qui illuminas juventutem meam ; ne despicias senectutem meam ; sed jubilare facias ossa mea , & reviviscere facias , ut Aquilæ , canos meos .

S O L I L O Q U I O R U M
F I N I S.




**INDEX CAPITUM
SOLILOQUIORUM
D. AURELII AUGUSTINI,
Hipponensis Episcopi.**

D E ineffabili dulcedine Dei.	Cap. 1.
De miseria, & fragilitate hominis.	2.
De admirabili lumine Dei.	3.
De mortalitate humanæ naturæ.	4.
Q uid sit nihil fieri?	5.
De casu animæ in peccatis.	6.
De multiplicibus beneficiis Dei.	7.
De dignitate hominis futura.	8.
De omnipotentia Dei.	9.
De incomprehensibili laude Dei.	10.
De spe erigenda ad Deum.	11.
De laqueis concupiscentiarum.	12.
De miseria hominis, & beneficiis Dei.	13.
Q uod Deus perpetua inspectione considerat opera, & intentiones hominum.	14.
Q uod homo per se nihil potest finè divina gratia.	15.
De Diabolo, & multiplicibus tentationibus ejus.	16.
Q uod Deus est lux justorum.	17.
De beneficiis Dei.	18.
	De

I N D E X.

- De fervore dilectionis, vel charitatis.* 19.
Quod Deus subjecit omnia servituti hominum. 20.
Quod ex confederatione bonorum temporaliū colligitur magnitudo cœlestis consilii. 21.
Quod divina dulcedo omnem præsentem mundi amaritudinem tollit. 22.
Quod tota spes nostra, & desiderium cordis nostri debeat esse ad Deum. 23.
Quod salus nostra ex Deo est. 24.
Quod voluntas humana inefficax sit ad bona opera sine divina gratia. 25.
De antiquis beneficiis Dei. 26.
De Angelis deputatis ad custodiam hominum. 27.
De profunda prædestinatione: & præscientia Dei. 28.
De illis, qui prius sunt justi; & postea impii efficiuntur, & è converso. 29.
Quod anima fidelis sit sanctuarium Dei. 30.
Quod neque per sensus exteriores, neque per interiores inveniri potest Deus. 31.
Confessio vera fidei. 32.
De confessione propriæ vilitatis. 33.
Consideratio divine Majestatis. 34.
De desiderio, & siti animæ ad Deum. 35.
De gloria cœlestis patriæ. 36.
Oratio ad Sanctissimam Trinitatem. 37.

F I N I S.







